

卷十九

書名 春秋左傳註疏六十卷
 撰者 晉 杜預 注, 唐 陸德明 音義, 唐 孔穎達 疏
 卷 卷十九
 內容分類 經 春秋- 春秋左傳 唐
 索書號 經部- 彙刻- 1
 編號 A 297500

[彩色首頁1](#)

[東洋文化研究所漢籍目錄 編號: A 297500](#)

[東洋文化研究所漢籍目錄所藏漢籍善本文影像資料庫 索書號: 經部- 彙刻- 1](#)

[漢籍善本文影像資料庫文本春秋左傳註疏六十卷](#)

版權所有: [東京大學](#) [東洋文化研究所](#)

[使用上的注意事項](#)

春秋左傳註疏卷第一

晉杜氏註

唐孔穎達疏


春秋序

○陸曰此元凱所作既以釋經故依例音

釋例序之本或題為春秋左傳序者沈文何以爲
 今不用疏正義曰此序題目文多不同或云春
 集解序或云春秋左氏傳序按晉宋古本及今
 定本並云春秋左氏傳序今依用之南人多云
 此本釋例序後人移之於此且有題曰春秋釋
 例序置之釋例之端今所不用晉太尉劉寔與
 杜同時人也宋大學博士賀道養去杜亦近俱
 爲此序作註題並不言釋例序明非釋例序也
 又晉宋古本序在集解之端徐邈以晉世言五
 經音訓爲此序作音且此序稱分年相附隨而

所究研京東院學化文方東

No. 2390





春秋左傳註疏卷第十九上

文五年 盡十年

晉杜氏註

唐孔穎達疏

經五年春王正月王使榮叔歸含且贈珠玉曰含含

口實車馬曰贈舍本亦作哈戶暗反說文作

至且贈。正義曰公羊傳曰其言歸含且贈何兼之


兼之非禮也賈服云舍贈當異人今一人兼兩使故

書且以譏之案禮雜記諸侯相弔之禮舍祔贈臨同

日而畢與介代有事焉不言遣異使也諸侯相於則

唯遣一使而責天子於諸侯必當異人禮何所出而
非責王也春秋之世風教陵遲吉凶賀弔罕能如禮
王之崩葬魯多不行魯之有喪寧能盡至全無所譏
不合又無賤責既含且贈便責兼之不可是禮備不

如不備行禮不如不行豈有如此之理哉左傳舉祭
 含且賵會葬二事乃云禮也則二事俱是得禮無譏
 兼之意也言且者見有二禮而已宰啗言來歸此
 不言來者穀梁傳曰其不言來者不周事之用也賵
 以早而含以晚其意以為含者所以實口當及未殯
 而至以其至晚故不言來以責王也按雜記含者執
 璧將命坐委于殯東南有韋席既葬蒲席然則含祔
 者所以助喪盡恩示其有禮而已既葬猶尚致之不
 必以濟其用天子之與鄰國莫不道路長遠赴者猶
 尚不至責其未殯而來此是理之不通也且來者自
 外之文非是衰貶之意九年秦人來歸僖公成風之
 祔祔衣是斂之所用彼最晚矣何以復言來乎言來
 與不言來史異文耳宰啗秦人歸之既晚故舉其所
 為之人此夫人新薨言歸含賵為夫人可知故不言
 歸夫人含賵也何休膏肓以為禮尊不含卑又不兼
 二禮左氏以為禮於義為短鄭康成箴云禮天子於
 二王後之喪含為先祔次之賵次之賻次之於諸侯
 含之賵之小君亦如之於諸侯臣祔之諸侯相於如



天子於二王後於卿大夫如天子於諸侯於士如天
 子於諸侯臣何休云尊不含卑是違禮非經意其一
 人兼歸二禮亦是為譏如康成言尊不含卑禮無其
 事康成以為譏一人兼二事者非左氏意也○珠
 玉至曰賵○正義曰周禮玉府大喪共含玉穀梁傳
 曰貝玉曰含士喪禮含用米貝莊子說發冢之事云
 徐徐破其頰無傷口中珠是含有用珠者也故云珠
 玉曰含何休云天子以珠周禮大喪共玉不共珠也
 莊子所言發冢未必發天子冢也雜記云諸侯相含
 以璧未知何人用珠耳公羊傳曰含者何口實也孝
 子不忍虛其親之口故以米貝珠玉實之謂之飯含
 檀弓曰飯用米貝弗忍虛也不以食道用美焉爾士
 喪禮用生稻米是不以食
 道也車馬曰賵公羊傳文

三月辛亥葬我小君成風

無傳反哭成喪故曰葬我

小君王使召伯來會葬

召伯天子卿也召采地伯

爵也來不及葬不譏者不失五月之內○召上照反

夏公孫敖如晉無傳

秦人入都入例在十五年音若都


秋楚人滅六六國今廬江六縣音若廬力居反

冬十月甲申許男業卒無傳與僖公六同盟

六同盟○正義曰業以僖五年即位其年盟于首止八年于洮九年于葵丘十五年于牡丘二十一年于薄二十七年于宋魯許俱在是六同盟也

傳五年春王使榮叔來舍且贈召昭公來會葬禮也

成風莊公之妾天子以夫人禮贈之明母以子貴



故曰禮成風至曰禮○正義曰傳舉二事以一禮結之則舍贈會葬皆得禮也釋例稱贈

賻禮舍總謂之贈言以夫人禮贈之指為賻舍也○初都叛楚即秦又貳於

楚夏秦人入都○六人叛楚即東夷秋楚成大心仲

歸帥師滅六仲歸子家○冬楚子燮滅蓼

今安豐蓼縣燮息例反蓼音了字或作鄆音同滅文仲聞六與蓼滅

曰臯陶庭堅不祀忽諸德之不建民之無援哀哉

蓼與六皆臯陶後也傷二國之君不能建德結援大

國忽然而亡音陶音遙○晉陽處父聘于衛反過甯甯嬴

從之甯晉邑汲郡修武縣也嬴逆旅大夫音盈

甯晉至大夫。○正義曰：晉語說此事云：舍於逆旅，甯嬴氏註國語者賈逵、孔晁皆以甯嬴為掌逆旅之大夫，故杜亦同之。劉炫以甯嬴直是逆旅之主，非大夫，今刪定知不然者，若是逆旅之主，則身為匹庶，是卑賤之人，猶如重館人告文仲、重丘人罵孫蒯，止應稱人而已，何得名氏見傳杜以傳載名氏故為逆旅大夫？劉炫以為客舍主人而規杜氏非也。

及溫而還其妻問之嬴曰：以剛猶亢爽也，言各當以剛柔勝已本性，乃能成全也。此在洪範今謂之周書。○漸似廉反，註沈滯溺。一本作帶弱亢若浪反。漸至周書。○正義曰：此傳引周書是洪範之三德也。彼說人之三德，乃以此言覆之。孔安國以此二句為天地之德，故註云：沈漸謂地，雖柔亦有剛，能出金石，高明謂天，言天為剛德，亦有柔克，不于四時。杜以傳證人。



性卽以人事解之。沈漸謂人性之沈滯懦弱也。高明謂人性之高亢明爽也。滯溺者當以剛勝其本性，亢爽者當以柔勝其本性，必自屈矯已乃能成全。不然則沈漸失於弱，高明失於剛，不能保其身也。此文在洪範今謂之周書箕子商人所說，故傳謂之商書。

夫子壹之其不没乎陽

子性純剛，天為剛德，猶不干時。○寒暑相順，況在人

乎。且華而不實，怨之所聚也。○言過其行。○行下犯

而聚怨，不可以定身。○剛則犯人，余懼不獲其利而

離其難，是以去之。○為六年晉殺處父傳。○難乃晉

趙成子欒貞子霍伯曰：季皆卒。○成子趙衰新上軍

帥中軍佐也。貞子欒枝下軍帥也。霍伯先且居中軍

帥也曰季胥臣下軍佐也為六年蒐於夷傳○帥所類反下

同蒐所○成子至夷傳○正義曰城濮之戰先軫求反

將下軍晉語云狐毛卒先且居將上軍清原之蒐三軍如故趙衰箕鄭將新上軍胥嬰先都將新下軍箕

之役先軫死先且居將中軍不知誰代且居將上軍也此言趙衰新上軍帥中軍佐并舉二官二年彭衙

之役云先且居將中軍趙衰佐之註云代卻縠是趙衰新上軍帥中軍佐也

經六年春葬許僖公○無傳

夏季孫行父如陳○行父季孫友子秋季孫行父如晉

八月乙亥晉侯驩卒○再同盟○驩喚再同盟○官反正義曰二年

及晉處父盟三年公及晉侯盟是再同盟也

冬十月公子遂如晉葬晉襄公○卿共葬事文襄之制

也三月而葬速○共音恭卿共至葬速○正義曰昭

之喪士弔大夫送葬昭三年傳曰昔文襄之霸也其務不煩諸侯君薨大夫弔卿共葬事是也

晉殺其大夫陽處父○處父侵官宜為國討故不言賈

季殺晉狐射姑出奔狄○射姑狐偃子賈季也奔例


在宣十年○射音亦一音夜

閏月不告月猶朝于廟○諸侯每月必告朔聽政因朝

宗廟文公以閏非常月故闕不告朔怠慢政事雖朝

于廟則如勿朝故曰猶猶者可止之辭○不告月月或作朔誤也

不告朔本禮記諸侯至之辭○正義曰周禮太史頒
 或作告月禮記告朔于邦國鄭玄云天子頒朔于諸侯
 諸侯藏之祖廟至朔朝于廟告而受行之論語云子
 貢欲去告朔之餼羊是用特羊告於廟謂之告朔人
 君即以此日聽視此朔之政謂之視朔十六年公四
 不視朔僖五年傳曰公既視朔是也視朔者聽治此
 月之政亦謂之聽朔玉藻云天子聽朔於南門之外
 是也其日又以禮祭於宗廟謂之朝廟周禮謂之朝
 享司尊彝云追享朝享是也其歲首為之則為之朝
 正襄二十九年正月公在楚傳曰釋不朝正于廟是
 也告朔視朔聽朔朝廟朝享朝正二禮各有三名同
 日而為之也文公以閏非常月故闕不告朔告朔之
 禮大朝廟之禮小文公怠慢政事既不告朔雖朝于
 廟則如勿朝故書猶朝于廟言猶以譏之必於月朔
 為此告朔聽朔之禮者釋例曰八君者設官分職以
 為民極遠細事以全委任之責從諸下以盡知力之
 用總成敗以效能否執八柄以明誅賞故自非機事
 皆委心焉誠信足以相感事實盡而不擁故受位居



職者思效忠善日夜自進而無所顧忌也天下之細
 事無數一日二日萬端人君之明有所不照人君之
 力有所不堪則不得不借問近習有時而用之如此
 則六卿六遂之長雖躬履此事躬造此官當皆移聽
 於內官迴心於左右政之糝亂恒必由此聖人知其
 不可故簡其節敬其事因月朔朝遷坐正位會羣吏
 而聽大政考其所行而決其煩疑非徒議將然也乃
 所以考已然又惡其密聽之亂公也故顯眾以斷之
 是以上下交泰官人以理萬民以察天下以治也文
 公謂閏非常月緣以闕禮傳因所闕而明言典制雖
 朝于廟則如勿朝故經稱猶朝于廟也經稱告月傳
 言告朔明告月必以朔也每月之朔必朝於廟因聽
 政事事敬而禮成故告以特羊然則朝廟朝正告朔
 視朔皆同日之事所從言之異耳是言聽朔朝廟之
 義也玉藻說天子之禮云聽朔於南門之外諸侯皮
 弁聽朔於太廟鄭玄以為明堂在國之陽南門之外
 謂明堂也諸侯告朔以特羊則天子以特牛與天子
 用特牛告其帝及其神配以文王武王諸侯用特羊

告太祖而已杜以明堂與祖廟為一但明堂是祭天之處天子告朔雖杜之義亦應告人帝朝享即月祭是也祭法云王立七廟曰考廟王考廟皇考廟顯考廟祖考廟皆月祭之二祧享嘗乃止諸侯立五廟曰考廟王考廟皇考廟皆月祭之顯考廟祖考廟享嘗乃止然則天子告朔於明堂朝享於五廟諸侯告朔於太廟朝享自皇考以下三廟耳皆先告朔後朝廟朝廟小於告朔文公廢其大而後行其小故云猶朝于廟公羊傳曰猶者可止之辭也天子玄冕以視朔皮弁以日視朝諸侯皮弁以聽朔朝服以月視朝其閏月則聽朔於明堂闔門左扉立於其中聽政於路寢門終月故於文王在門為閏

傳六年春晉蒐于夷舍二軍 僖三十一年晉蒐清

原作五軍今舍二軍復三軍之制夷晉地前年四卿

卒故蒐以謀軍帥 舍音捨註同 僖三至軍帥 帥所類反下同 正義曰清原



之蒐五軍十卿有先軫卻縠溱先且居狐偃欒枝胥臣趙衰箕鄭胥嬰先都箕之役先軫死往歲趙衰欒枝先且居胥臣卒八年傳說此蒐之事云晉侯將登鄭父先都則卻縠狐偃胥嬰亦先卒矣清原十卿唯有箕鄭先都在耳故蒐以謀軍帥服虔云使射姑代先且居趙盾代趙衰也箕鄭將上軍林父佐也先蔑將下軍先都佐也改蒐于董趙盾將使狐射姑將中軍中軍射姑奔狄先克代佐中軍

趙盾佐之 代趙衰也盾趙衰

陽處父至自溫 往年聘衛過溫今始至

○過古 改蒐于董易中軍 易以趙盾為帥射姑佐

之河東汾陰縣有董亭陽子成季之屬也 處父嘗

為趙盾屬大夫 處父至大夫 正義曰僖三十一年清原之蒐衰始為卿三十三

年處父已專帥侵蔡則處父之屬成子未有多年蓋情素相親而黨於趙氏耳非專以嘗為其屬也故黨於趙氏且謂趙盾能曰使能國之利也是以上之

宣子於是乎始為國政宣趙盾諡制事典典常

也正法罪輕重當當丁辟刑獄辟猶理也辟


婢亦反後同董逋逃董督也逋補由質要由

用也質要券契也治舊沔治理沔穢沔音烏本

本秩禮貴賤不失其本續常職修廢官出滯淹

拔賢能也既成以授大傅陽子與大師賈佗使行

諸晉國以為常法賈佗以公族從文公而不在五



人之數大音泰下同佗宣子至常法正義制事典者正國之百

使有常也正法罪者準所犯輕重豫為之法使在後

依用之也辟獄刑者有事在官未決斷者令於今理

治之也董逋逃者舊有逋逃負罪播越者督察追捕

之也由質要者謂斷爭財之獄用券契正定之也治

舊沔者國之舊政沔穢不潔理治改正之也本秩禮


者時有僭踰貴賤相濫本其次秩使如舊也續常職

者職有廢闕任賢使能令續故常也出滯淹者賢能

之人沈滯田里拔出而官爵之也此謂所為制作法

式者豫為將來使案而遵行臨時決斷者將為故事

周禮小宰以官府之八成經邦治四曰聽稱責以傅
 別六曰聽取予以書契七曰聽賣買以質劑鄭眾云
 稱責謂貸予也傅別謂券書也聽訟責者以券書決
 之傅傳著約束於文書也別別為兩兩家各得一也
 鄭玄云傅別謂為大手書於一札中字別之書契謂
 出子受人之凡要也質劑謂兩書一札同而別之長
 曰質短曰劑傅別質劑皆今之券書也事異其名耳
 如彼禮文知質要是契券也。○**治**理誇穢。○正義
 曰誇者穢之別名不潔之稱也法有不便於民事有
 不利於國是為政之誇穢也治理改正使潔清也。○
 賈佗至之數。○正義曰晉語宋公孫固云晉公子
 長事賈佗又曰賈佗公族也而多識以共敬公子居
 則下之動則咨焉是以公族從文公也尚書周官大
 師大傅大保天子三公也宣十六年傳晉侯請于王
 命士會將中軍且為大傅則大傅尊於中軍之將與
 大師皆為孤卿也周禮上公之國有孤一人王制諸
 侯三卿晉侯爵也而有三軍六卿復有孤一人者晉
 為霸主多置羣官共時所須不能如禮孤尊於卿法



由在上故宣子法
 成授二孤使行之 ○臧文仲以陳衛之睦也欲求好

於陳夏季文子聘于陳且娶焉 臣非君命不越竟

故因聘而自為娶 好呼報反娶七住 秦伯任好

卒 任好秦穆公名 音壬 以子車氏之三子奄息仲

行鍼虎為殉 子車秦大夫氏也以人從葬為殉 車

音居仲本亦作中音仲行戶郎反鍼其廉 皆秦之良

也國人哀之為之賦黃鳥 黃鳥詩秦風義取黃鳥

止于棘桑往來得其所傷三良不然 為于偽反下

作善 君子曰秦穆之不為盟主也宜哉死而棄民先

王違世猶詒之法而況奪之善人乎詩曰人之云亡

邦國殄瘁詩大雅言善人亡則國瘁病反瘁似醉

無善人之謂若之何奪之古之王者知命之不長

古古之至不長。正義曰知命之不長知其必將有

死不得長生久視故制法度以遺後人非獨為當

已之世設善法也竝建聖哲以下即位便為之非臨

死始為此也下云眾隸賴之而後即命言其施行此

事功成乃就死耳非謂設此法以擬死也**是以竝建聖哲**建立聖知以

司牧民王如字一音于**曰**建立至牧民。正義

為諸侯或置之羣官聖哲**曰**此說王者之事或封

是人之雋者故總言之耳**樹之風聲**因土地風俗

為立聲教之法**因**因土至之法。正義曰漢書地

理志云凡民性有剛柔緩急聲音

不同繫水土之風氣故謂之風好惡取舍動靜無常

隨君上之情欲故謂之俗王制云廣谷大川異制民

生其間者異俗器械異制衣服異宜修其教不易其

俗齊其政不易其宜故聖王為政因其土地風俗為

立善聲教也聲教人之所立故言樹之今杜云因土

地風俗為立聲教之法如杜此言惟樹以聲而傳云

樹之風聲而風亦樹者其實風俗亦是人君教化故

孝經云移風易俗孔註尚書云立其善風揚其善聲



是**分之采物**旌旗衣服各有分制分扶問


旗至分制。正義曰采物謂采章物色旌旗衣服尊

卑不同名位高下各有品制天子所有分而與之故

云分之定四年傳稱分魯公**著之話言**話善也為

作善言遺戒話戶**快反**之話言為作善言遺戒著於

音也。鍾律至明時。正義曰。周語云。先王之制鍾也。律度量衡於是乎生。小大器用於是乎出。又曰。古之神瞽考中聲而量之。以制度律均。鍾百官軌儀。其意言度律之聲。以為鍾之均。於鍾律取法為度量衡也。故漢書律歷志云。推歷生律。莫不用焉。度量衡皆出於黃鍾之律也。度者分寸尺丈引。所以度長短也。本起於黃鍾之長。以子穀秬黍之中者一黍之廣度之。九十分黃鍾之長。一為一分。十分為寸。十寸為尺。十尺為丈。十丈為引。而五度審矣。量者侖合升斗斛。所以量多少也。本起於黃鍾之侖。以子穀秬黍中者千有二百實。其侖合侖為合。十合為升。十升為斗。十斗為斛。而五量嘉矣。權者銖兩斤鈞石。所以稱輕重也。本起黃鍾之重。一侖容千二百黍。重十二銖兩之為兩。十六兩為斤。三十斤為鈞。四鈞為石。而五衡謹矣。權衡一物。衡平也。權重也。稱上謂之衡。稱鍾謂之權。所從言之異耳。其鍾者亦起於律。故服虔云。鳧氏為鍾。各自計律倍而半之。黃鍾之管長九寸。則黃鍾之鍾長二尺二寸半。餘鍾亦各自計律倍而半。



之度量衡其本俱出於律。傳言律度。註言度量。其言不及衡者。文雖不足。理實兼之。易革卦象云。君子以治歷明時。此律度量衡皆推歷為之。為此法以教天下。使之明四時也。陳之藝極。藝

準也。極中也。貢獻多少之法。傳曰。貢之無藝。又曰。貢

獻無極。中正制貢賦多少之法。立其準限。中正使

不多不少。陳之以示民。故言陳之所引。引之表儀。正

傳曰。及又曰。皆昭十三年子產辭也。引道至威儀。正

引道也。表儀猶威儀。道音義。引道至威儀。正

道也。表章儀飾。故猶威儀也。威儀禮則。王者制予之

之以道。民言引之道之不用重文。故異之也。予之

法制告之訓典。訓典先王之書。訓典先王之

防利防惡與利使勿然故為防惡利故務生此

利故為與利傳言防利於文不足互委之常秩委

任也常秩官司之常職設官分職當委任責成故

言委之常秩謂職掌位道之以禮則使毋失其土宜


衆隸賴之而後即命即就也聖王同之今縱無法

以遺後嗣而又收其良以死難以在上矣君子是以

知秦之不復東征也不能復征討東方諸侯為霸

主遺唯季反復○秋季文子將聘於晉使求遭喪

之禮以行季文子季孫行父也聞晉侯疾故



文至疾故○正義曰劉炫以為聘使之法自須造遭喪之禮而行防其未然也非是聞晉侯有疾今知不然者依聘禮出使唯以幣物而行無別齎遭喪之禮若主國有凶則臨時辦備今文子聘晉特求遭喪之禮出聘之後晉侯遂卒考其情氣有異尋常聞晉侯之疾何為不可劉炫以不聞晉侯之疾而規杜氏恐非其義也其人從者○焉於虔反文

子曰備豫不虞古之善教也求而無之實難難卒

得卒寸過求何害所謂文子三思○八

月乙亥晉襄公卒靈公少晉人以難故欲立長君

立少君恐有難少詩照反註同難乃旦反註趙孟

曰立公子雍趙孟趙盾也公子雍文公子襄公庶

弟杜祁之子好善而長先君愛之且近於秦秦舊好也置善則固事長則順立愛則孝結舊則安為難故

故欲立長君有此四德者難必扞矣呼報

反下皆同近附近之近扞除也○正義曰字有聲相近而為訓者鬼之為


言歸也春之為言蠢也其類多矣扞聲近除故為除也服虔作舒舒緩也賈季曰不如立

公子樂樂文公子○樂音岳一音洛辰嬴嬖於二君辰

嬴懷嬴也二君懷公文公也○嬖必計反立其子民必安

之趙孟曰辰嬴賤班在九人班位也其子何震之

有震威也且為二嬖淫也為先君子不能求大而



出在小國辟也母淫子辟無威陳小而遠無援將何

安焉杜祁以君故讓偏姑而上之杜祁杜伯之後

祁姓也偏姑姑姓之女生襄公為世子故杜祁讓使

在已上○辟匹亦反又作辟下同祁巨之偏姑○反偏彼力反姑其吉反又其乙反正義曰

譜以偏為國名以狄故讓季隗而已次之故班在四

地關不知所在以季隗是文公託狄時妻故復讓之然則杜祁本

班在二○隗五罪反復扶先君是以愛其子而仕諸

秦為亞卿焉亞次也言其賢故位尊○亞於嫁反秦大

而近足以為援母義子愛足以威民立之不亦可乎

使先蔑士會如秦逆公子雍先蔑士伯也士會隨

季也賈季亦使召公子樂于陳趙孟使殺諸郟郟

晉地支反○郟婢支反○賈季怨陽子之易其班也本中軍

帥易以為佐帥所類反而知其無援於晉也少


族多怨九月賈季使續鞫居殺陽處父鞫居狐氏

之族書曰晉殺其大夫侵官也君已命帥處父易

之故曰侵官○冬十月襄仲如晉葬襄公○十一月

丙寅晉殺續簡伯簡伯續鞫居十一月無丙寅丙

寅十二月八日也日月必有誤賈季奔狄宣子使與



駢送其帑帑妻子也宣子以賈季中軍之佐同官

故○與羊朱反駢蒲賢帑帑妻子也○正義曰詩

反又蒲丁反帑音奴云樂爾妻帑文已有妻故

毛傳以帑為子此傳無妻故杜并妻言之帑者細弱

之號妻子俱得稱之傳稱以害易帑易尾猶尚稱帑

況妻子也說文云帑金幣所藏夷之蒐賈季戮與駢

字書帑從子經傳妻帑亦從巾與駢之人欲盡殺賈氏以報焉與駢曰不可吾聞前

志有之曰敵惠敵怨不在後嗣忠之道也敵猶對

也若及子孫則為非對非對則為遷怒○盡津

至之道○正義曰敵惠謂有惠於彼不可望彼人之
子報敵怨謂有怨於彼不可讎彼人之子父祖受人
之惠子孫自可不忘要有恩於其父祖不可求報於
彼子孫子孫或有不知乃是更復長怨故惠怨皆不

在後是為忠 怨之道也 夫子禮於賈季我以其寵報私怨無乃

不可乎 言已蒙宣子寵位介人之寵非勇也 介

因也 介音界 損怨益仇非知也 殺季家欲以除怨宣

子將復怨已是益仇 以私害公非忠也 釋此三

者何以事夫子盡其帑與其器用財賄親帥扞之

送致諸竟 扞衛也 扞音戶旦 竟音境 閏月不告朔非禮

也 經稱告月傳稱告朔明告月必以朔閏以正時

四時漸差則致閏以正之時以作事 順時命事

事以厚生 事不失時則年豐生民之道於是乎在

矣不告閏朔棄時政也何以為民 為民如字治也或音于偽反

也非

經七年春公伐邾

三月甲戌取須句 須句魯之封內屬國也僖公反其

君之後邾復滅之書取易也例在襄十三年 須句其俱反

復扶又反 遂城部 無傳因伐邾師以城部部魯邑

卞縣南有部城備邾難 難音吾 難乃旦反

夏四月宋公王臣卒 二年與魯大夫盟於垂隴 王如字

又往 二年至垂隴 正義曰王臣以僖二十四 方反 年即位與僖盟于踐土翟泉今唯言垂隴據

與文同盟言之杜註或兼取前世或止取時君不為例也

宋人殺其大夫國宋人攻昭公并殺二大夫故以非罪

書

戊子晉人及秦人戰于令狐國趙盾廢嫡而外求君故


貶稱人晉諱背先蔑而夜薄秦師以戰告○令力呈反嫡本又

作適丁歷反背音佩

晉先蔑奔秦國不言出在外奔

狄侵我西鄙

秋八月公會諸侯晉大夫盟于扈國扈鄭地滎陽卷縣



西北有扈亭不分別書會人總言諸侯晉大夫盟者

公後會而及其盟○扈音戶卷音權又丘權反別彼列反

冬徐伐莒國不書將帥徐夷告辭略○將子匡反帥所類反公孫

敖如莒泣盟○泣音利又音類

傳七年春公伐邾間晉難也國公因霸國有難而侵

小○間間廁之間或如○三月甲戌取須句寘文公

子焉非禮也國邾文公子叛在魯故公使為守須句

大夫也絕大皞之祀以與鄰國叛臣故曰非禮○寘之豉

反下同大音泰皞戶老反○夏四月宋成公卒於是公子成為右

卷之九
師 莊公子公孫友為左師 目夷子樂豫為司馬

師 莊公子公孫友為左師 **目夷子樂豫為司馬**

戴公玄孫鱗矐為司徒 桓公孫 **矐** 戴

孫鱗矐桓公孫。正義曰世本戴公生樂甫術術生碩甫澤澤生季甫甫生子僕伊與樂豫是也世本又

云桓公生公子鱗 **公子蕩為司城** 桓公子也以武


公名廢司空為司城華御事為司寇 華元父也傳

言六卿皆公族昭公不親信之所致亂 御魚呂

同 昭公將去羣公子樂豫曰不可公族公室之枝

葉也若去之則本根無所庇廕矣葛藟猶能庇其本

根 葛之能藟蔓繁滋者以本枝廕麻之多 去起



及註同庇必利反又悲位反下同廕本又作蔭於鳩
反藟本或作藟力軌反蔓音萬麻許求反又作庇藟
類龜 **故君子以為比** 謂詩人取以喻九族兄弟

必爾 **葛藟至為比** 正義曰此引葛藟王風葛藟
反 **之篇也彼毛傳以之為興此云君子以為比**

者但比之隱者謂之興與之顯者謂之比比之與興
深淺為異耳此傳近取庇根理淺故以為比毛意遠

取河潤義深故以為興 **況國君乎此諺所謂庇焉而**

由意不同故比與異耳 **縱尋斧焉者也** 縱放也必不可君其圖之親之以

德皆股肱也誰敢攜貳若之何去之不聽穆襄之族

率國人以攻公 穆公襄公之子孫昭公所欲去者

殺公孫固公孫鄭于公宮 二子在公宮故為亂兵

家火克 卷之九 二十七 及古員

所殺傳言不稱名非其罪則此二子名氏當見

於經亦卿官也僖二十二年傳稱大司馬固於時又

有司馬子魚上文樂豫為司馬下云六卿和公室六

卿之外有此二子蓋是孤卿之官也宋是六卿和公

室樂豫舍司馬以讓公子卬卬昭公弟○舍音捨

反昭公卽位而葬書曰宋人殺其大夫不稱名眾也

且言非其罪也不稱殺者及死者名殺者眾故名

不可知死者無罪則例不稱名正義曰傳云不稱

名怪殺者死者竝不名也又言眾也解殺者不名言

殺者眾多其名不可知也且言非其罪也解死者不

名言死者無罪則於例不稱名也此傳言書曰是仲

尼新意殺大夫有例無凡故每言書曰所謂曲而暢

之也此言死者無罪故不稱名則被殺書名皆為有

罪故諸是大夫被殺書名者杜皆言其罪狀正以此

傳為例故也釋例曰大臣相殺死者無罪則兩稱名

氏以示殺者之罪王札子殺召伯毛伯是也若死者

有罪則不稱殺者名氏晉殺其大夫陽處父是也若

為賊者眾因亂而殺則亦稱國人殺者主名不分故


也主名不分死者雖名氏可知亦隨而去之嫌於罪

死者也士殺大夫則書曰盜盜殺鄭公子駢公子發

○秦康公送公子雍于晉曰文公之入也無衛故有

呂卻之難僖二十四年文公入○難乃乃多與之

徒衛穆嬴日抱大子以啼于朝曰先君何罪其嗣亦



何罪舍適嗣不立而外求君將焉寘此

夫人靈公母也○嬴音盈適本又作嫡同丁歷反將焉於虔反下焉用同出朝則

抱以適趙氏頓首於宣子曰先君奉此子也而屬諸

子曰此子也才吾受子之賜不才吾唯子之怨


使宣子教訓之音屬今君雖終言猶在耳

之耳而棄之若何宣子與諸大夫皆患穆嬴且畏偪

註畏國人以大義來偪已○偪彼力反乃背先蔑而立靈

公以禦秦師箕鄭居守趙盾將中軍先克佐之

先且居子代狐射姑○背音佩箕音基守手又反荀下註同將子匡反下註同



林父佐上軍

箕鄭將上軍居守故佐獨行先蔑將

下軍先都佐之步招御戎戎津為右及董陰

先蔑先蔑至晉地士會逆公子雍前還晉晉人始以逆雍出軍卒然變

討立靈公故車右戎御猶在職董陰晉地○招上遙反董音謹

一寸音斬卒逆雍出軍此擬為雍之御右也改立靈公故御右猶

在職也十二年河曲之戰傳稱范無恤御戎註云代

步招晉君不行有御戎者成二年楚令尹子重為揚

橋之役王卒盡行彭名御戎註云王卒盡行故王戎車亦行然則河曲之戰亦公卒盡行公之戎車亦行

故御戎在職也此時未至令狐令狐猶是晉地知董

受矣而復緩師秦將生心先人有奪人之心奪敵

之戰心也復扶又反先悉薦反又有奪人之心本或此下有後人待其反誤軍之善

謀也逐寇如追逃軍之善政也訓卒利兵秣馬蓐食

潛師夜起蓐是早食於寢蓐也音未蓐音辱卒子忽反秣


子敗秦師于令狐至于刳首己丑先蔑奔秦士會從

之從刳首去也令狐在河東當與刳首相接若胡

反先蔑之使也荀林父止之曰夫人大子猶在而外

求君此必不行子以疾辭若何不然將及禍將及

已使所攝卿以往可也何必子同官為寮吾嘗同



寮敢不盡心乎弗聽為賦板之三章板詩大雅其

三章義取芻蕘之言猶不可忽況同寮乎僖二十八

年林父將中行先蔑將左行寮本又作僚力彫反為于偽反下為同寮同

芻初俱反蕘音饒又弗聽及亡荀伯盡送其帑及其

器用財賄於秦曰為同寮故也荀伯林父士會在

秦三年不見士伯士伯先蔑其人曰能亡人於國

言能與人俱亡於晉國不能見於此焉用之何

用如此士季曰吾與之同罪俱有迎公子雍之罪

非義之也將何見焉言已非慕先蔑之義而從之

及歸遂不見註責先蔑為正卿而不匡諫且俱出奔惡有黨也士會歸在十三年○惡鳥路反○狄侵我西鄙

公使告于晉趙宣子使因賈季問註舒且讓之註鄆

舒狄相讓其伐魯○鄆若忠反相息亮反鄆舒問於賈季曰趙

衰趙盾孰賢對曰趙衰冬日之日也趙盾夏日之日

也註冬日可愛夏日可畏○秋八月齊侯宋公衛侯

陳侯鄭伯許男曹伯會晉趙盾盟于扈晉侯立故也

公後至故不書所會凡會諸侯不書所會後也註不

書所會謂不具列公侯及卿大夫後至不書其國辟

不敏也註此傳還自釋凡例之意疏凡會至不敏○正義曰僖十四

年諸侯城緣陵傳曰不書其人有闕也十五年諸侯

盟于扈傳曰書曰諸侯無能為也十六年諸侯會于

扈傳曰書曰諸侯無功也然則總稱諸侯皆是罪諸

侯也此總稱諸侯不稱所會為公後也傳還自釋凡


例云後至不書其國者辟不敏也不敏猶不達也諸

國皆在公獨後至是公不達於事辟公之不達於事

諱公罪而歸責於諸侯者若言諸侯無功然故貶諸侯而總之所以辟公恥也○穆伯娶于

莒曰戴已生文伯其姊聲已生惠叔註穆伯公孫敖也文伯穀也惠叔難也○巳音紀又音杞姊戴已卒

又聘于莒莒人以聲已辭則為襄仲聘焉註襄仲公孫敖從父昆弟○為于偽反且為自為同冬徐伐莒莒人來請盟



九功水火金木土穀謂之六府正德利用厚生謂之

三事義而行之謂之得禮德正德也禮以制財用

之節又以厚生民之命無禮不樂所由叛也無禮至叛

也。正義曰在上為政無禮則民不樂是叛之所由若吾子之德莫可歌也其

誰來之音洛來猶歸也音洛盍使睦者歌吾子乎宣子

說之音洛為明年晉歸鄭衛田張本臘反盍音洛為明

○正義曰鄭往前侵衛田今晉令鄭歸還衛田也言歸鄭衛田者謂晉歸以鄭所取衛田故杜下註云臣

本衛邑中屬鄭令鄭還衛是也然晉亦還衛田獨言鄭還衛田者以鄭歸衛田為主遂畧之劉炫以為歸

鄭及歸衛田怪傳文歸衛不歸鄭而規杜氏非也

經八年春王正月

夏四月

秋八月戊申天王崩

冬十月壬午公子遂會晉趙盾盟于衡雍壬午月五日

日。雍於用反

乙酉公子遂會雒戎盟于暴乙酉月八日也暴鄭地

公子遂不受命而盟宜去族善其解國患故稱公子

以貴之○會雒戎本或作伊雒之戎此後人妄取傳文加耳雒音洛去起呂反

貴之○正義曰以壬午乙酉相去四日其間不容報君見其專命之意故註詳其日也衡雍鄭地知暴亦

鄭地臣無專命之義故鞏溺皆去其族也此公子遂不受君命因事遂行輒與戎盟宜去其族傳言書曰公子遂珍之是善其解國患故稱公子以貴之也釋例曰人臣受命不受辭出竟有可以利社稷者專之可也故襄仲始盟趙盾遂盟伊洛之戎四日之間經再書公子不可以遂事常辭顯之也

公孫敖如京師不至而復丙戌奔莒國不言出受命而


出自外行

國無傳為災故書

宋人殺其大夫司馬宋司城來奔國司馬死不舍節司

城奉身而退故皆書官而不名貴之音拾

傳八年春晉侯使解揚歸匡戚之田于衛國匡本衛



邑中屬鄭孔達伐不能克今晉令鄭還衛及取戚田

皆見元年解音蟹中丁仲反令且復致公壻池之

封自申至于虎牢之竟國公壻池晉君女壻又取衛

地以封之今并還衛也申鄭地傳言趙盾所以能相

幼主而盟諸侯復扶又反壻音細俗作婿國公

諸侯正義曰釋親云女子之夫為壻傳稱公壻知

是晉君之女壻池其各也杜以上言歸匡戚之田于

衛又言且復致則晉亦致于衛故言又取衛地以封

之今并還衛也劉炫云服虔以為致之于鄭以服言

是規杜已釋之○夏秦人伐晉取武城以報令狐之役國令

狐役在七年○秋襄王崩國為公孫敖如周弔傳○

晉人以扈之盟來討前年盟扈公後至○冬襄仲

會晉趙孟盟于衡雍報扈之盟也遂會伊雒之戎

伊雒之戎將伐魯公子遂不及復君故專命與之盟

書曰公子遂珍之也珍貴也大夫出竟有可以安

社稷利國家者專之可也珍貴至可也○正義曰傳多言貴之而此言

珍之事同而文異故以珍為貴也大夫出竟以下皆莊十九年公羊傳文○穆伯如周弔

喪不至以幣奔莒從已氏焉已氏莒氏○宋襄夫

人襄王之姊也昭公不禮焉昭公適祖母○適下歷反

夫人因戴氏之族華樂皇皆戴族以殺襄公之孫



孔叔公孫鍾離及大司馬公子卬皆昭公之黨也司

馬握節以死故書以官節國之符信也握之以死

人示不廢命節國至廢命○正義曰周禮掌節掌守邦節而辨其用守邦國者用玉節守

都鄙者用角節鄭玄云玉節有五則典瑞云穀圭以

和難以聘女牙璋以起軍旅以治兵守珍圭以徵守

以恤凶荒琬圭以治德以結好琰圭以易行以除慝

其角節鄭註云未聞此司馬司城以事在官蓋執此

等之玉節小行人云守都鄙者用管節此司馬司城

或食采地即都鄙之主此節或是管節也掌節又云

山國用虎節土國用大節澤國用龍節鄭註云鑄金為之謂王使之使於上國之等掌節又云門關用符節貨賄用璽節道路用旌節鄭玄云門關者謂司門司關也道路者謂天子之鄉遂大夫也其諸侯之國及門關鄉遂亦有節小行人云山國用虎節土國用人節澤國用龍節謂已山澤之國出使用龍虎之

節小行人又云道路用旌節門關用符節都鄙用管節鄭註云道路謂諸侯鄉遂及諸侯司門司關都鄙之等也令之為官授以此節今握節以死示已不廢命也此夫人殺而經書宋人殺其大夫者夫人與君共有國家尊與君同不得為兩下相殺故同國討之文雖同國討稱人實非國討之例以其死者不稱名無罪故也

司城蕩意諸來奔效節於府人而出效猶致也意諸公子蕩之孫


公以其官逆之皆復之效戶教反

亦書以官皆貴之也卿違從大夫公賢其效節故

以本官逆之請宋而復之司城官屬悉來奔故言皆

復卿違至皆復正義曰卿違從大夫昭七年

不敢帶官而逃公賢其效節故以本官逆之為是書宋司城來奔善其人故書其官也請宋復之在十



一年一人不得言皆知

先都登之於上軍也夷蒐在六年

清原之蒐箕鄭佐新上軍先都佐新下軍二人先為卿矣而復欲登之知登於上軍也然則七年令狐之戰傳歷言諸軍將佐箕鄭將上軍先都佐下軍先都不登容可怨恨箕鄭不失其登而亦共作亂者蓋先

克之薦狐趙并亦請退箕鄭先都於時即佐下軍箕鄭雖得不退因此意望以成小憾及狐射姑出

奔箕鄭位次宜佐中軍而先克代射而使士穀梁益

姑箕鄭守其故職蓋以此而恨也

耳將中軍士穀本司空

先克曰狐趙將子匠反

之勲不可廢也從之狐偃趙衰有從亡之勲

用先克奪蒯得田于董陰

以軍事奪其田也先克中軍佐
○刺苦故箕鄭父先
都士穀梁益耳蒯得作亂
○為明年殺先克張本

于偽反

經九年春毛伯來求金
○求金以共葬事雖踰年而未

葬故不稱王使
○共音恭本亦作供下同

夫人姜氏如齊
○無傳歸寧

二月叔孫得臣如京師辛丑葬襄王
○卿共葬事禮也

○卿共葬事禮也○正義曰言禮者以明天子之喪卿弔卿會葬諸侯不親行也釋例曰萬國之數至衆封疆之守至重故天王之喪諸侯不得越竟而奔修服於其國卿共弔送之禮既葬卒哭而除凶

侯無故而穆伯如周弔為此天子崩諸侯遣卿弔送之經傳也杜以往年穆伯弔喪今令會葬二事傳無譏文知其禮當然也昭三十年傳鄭游吉云靈王之喪我先君簡公在楚似不在楚即當親行而言禮不親者彼言由君在楚上卿守國故使少卿印段往耳言君當親行也

晉人殺其大夫先都
○下軍佐也以作亂討故書名


三月夫人姜氏至自齊
○無傳告于廟
○夫人至自齊
○正義曰蘇

氏云夫人歸寧書至唯有此耳餘不書者或禮儀不備或淫縱不告廟也

晉人殺其大夫士穀及箕鄭父
○與先都同罪也

楚人伐鄭
○楚子師於狼淵不親伐

公子遂會晉人宋人衛人許人救鄭



夏秋侵齊無傳


秋八月曹伯襄卒無傳七年同盟于扈七年同盟于扈

正義曰襄以僖八年即位其年盟于洮九年于葵丘十五年于牡丘二十一年于薄今唯言于扈據文公之言

九月癸酉地震無傳地道安靜以動為異故書地道

道至故書○正義曰穀梁傳曰震動也公羊傳曰震者何動地也何休云傳先言動者喻若物之動地以曉人也周語伯陽父曰陽伏而不能出陰迫而不能烝遂於是地震孔晁云陽氣伏於陰下見迫於陰故不能升以至於地動是地道安靜以動為異也

冬楚子使椒來聘稱君以使大夫其禮辭與中國同



椒不書氏史畧文稱君至畧文○正義曰莊二十三年荆人來聘不稱楚子使

某至此稱君以使大夫其禮與中國同其禮既同椒亦宜書其某氏今不書氏傳無貶文皆是史辭自畧無義例也釋例曰楚殺得臣與宜申賈氏皆以為陋案楚殺大夫公子側成熊之等六人皆稱氏族無為獨於此二人陋也斯蓋非史策舊法故無凡例當時諸國以意而赴其自來聘使者辭有詳畧仲尼修春秋因采以示義義之所起則刊而正之不者即而示之不皆刊正也諸侯之卿當以名氏備書於經其加貶損則直稱人若有褒異則或稱官或但稱氏若無褒無貶傳所不發者則皆就舊文或未賜族或時有詳畧也推尋經文自莊公以上諸弑君者皆不書氏閔公以下皆書氏亦不足以明時史之同異非仲尼所皆貶也

秦人來歸僖公成風之襚衣服曰襚秦辟陋故不稱

使不稱夫人從來者辭。○禭音遂說文作禭云贈終者衣被曰禭以此禭為衣死
 人衣辟。○禭音遂說文作禭云贈終者衣被曰禭以此禭為衣死
 匹亦反。○禭音遂說文作禭云贈終者衣被曰禭以此禭為衣死
 者君使臣致服故云衣服曰禭。秦處西戎其國辟陋故不稱君使猶楚在莊世稱荆人來聘也成風夫
 人也來者不言夫人從來者之引也元
 言僖公僖公先薨也不言及并來之者


葬曹共公無傳
○共音恭

傳九年春王正月己酉使賊殺先克箕鄭等所使

也亂殺先克不赴故不書乙丑晉人殺先都梁益耳

乙丑正月十九日經書二月役告**○毛伯衛來求**

金非禮也天子不私求財故曰非禮不書王命未



葬也○二月莊叔如周葬襄王
○莊叔如周葬襄王

經者嫌燕叔別以他事使**○三月甲戌晉人殺箕鄭**

父士穀崩得梁益耳崩得不書皆非卿
○梁益耳崩得不書皆非卿

○正義曰士穀書經則是卿也七年令狐之戰三軍

將佐無士穀十二年河曲之戰三軍將佐杜註無代

士穀者而士穀得為卿者先蔑奔秦傳無其代十二

年樂盾將下軍註云代先蔑者據傳成文言之耳未

必不是士穀代先蔑樂盾代士穀也箕鄭上軍將也

傳文先箕鄭後士穀士穀若將下軍則是位之次也

其事似然或者晉於將佐之外猶別有散位從卿若
卻缺趙穿之類也傳箕鄭先士穀經士穀先箕鄭者
經以殺之先後傳以位次序列傳崩得居下知其以
位次也賈逵云箕鄭稱及非首謀按襄二十三年陳
殺其大夫慶虎及慶寅杜云言
○范山言於楚子曰
及史異辭無義例則此亦然也

晉君少不在諸侯北方可圖也

范山楚大夫詩照

反下楚子師于狼淵以伐鄭

陳師狼淵為伐鄭援

也穎川穎陰縣西有狼陂

皮反囚公子堅公子尤

及樂耳

三子鄭大夫

江反

鄭及楚平○公子遂

會晉趙盾宋華耦衛孔達許大夫救鄭不及楚師卿

不書緩也以懲不恪

華耦華父督曾孫公子遂獨

不在貶者諸魯事自非指為其國衰貶則皆從國史

不同之於他國此春秋大意他皆放此


懲直升反

于偽

華耦至放此

正義曰在禮卿不會公侯

會則貶之稱人元年公孫叔敖會晉侯于戚文



無所貶此公子遂與諸國同行諸卿皆貶遂獨不貶諸如此類莫不盡然知諸於魯事自非指為其國衰貶皆從魯史以其體例已舉不假改正故也

陳邑以其服於晉也○秋楚公子朱自東夷伐陳

子朱息公也陳人敗之獲公子茂陳懼乃及楚平

以小勝大故懼而請平也傳言晉君少楚陵中國明

年所以有厥貉之會

貉扶廢反

○冬楚子越椒來

聘執幣傲

子越椒令尹子文從子傲不敬

報反註

下同從

叔仲惠伯曰是必滅若敖氏之宗傲其先君

神弗福也

十二年傳曰先君之敝器使下臣致諸

執事明奉使皆告廟故言傲其先君也為宣四年楚

滅若敖氏張本

○敖五刀反使所吏反

○秦人來歸僖公成風

之禭禮也

國

秦慕諸夏欲通敬於魯因有翟泉之盟

故追贈僖公并及成風本非魯方嶽同盟無相赴弔

之制故不譏其緩而以接好為禮

○夏戶雅反嶽音岳好呼報反下文

註同諸侯相弔賀也雖不當事苟有禮焉書也以無忘

舊好

國


送死不及尸故曰不當事書者書於典策垂

示子孫使無忘過厚之好

國

諸侯至舊好○正義曰

人發傳隱元年王使來賜尚譏其緩若是同盟之罔必譏其緩可知釋例曰秦之與魯本非方嶽同盟魯



薨不赴秦秦不贈魯自是其常也僖穆二公雖有同

盟之義二君已卒則二子不得用同盟之禮也今秦

康公遠慕諸華欲通敬於魯無以為辭因翟泉有盟

追贈僖公并及成風假弔禮而行故曰禮也送死不

及尸謂不當其事書者書之於策垂之子孫以示過

厚之好也是言此傳主為秦也僖公成風服除久矣

今始來弔贈當以變禮待之檀弓曰衛將軍文子之

喪既除喪而後越人來弔主人深衣練冠待於廟垂

涕洟子游曰將軍文氏之子其庶幾乎亡於禮者之

禮也其動也中是古有以服終來弔者何休膏肓

云禮主於敬一使兼二喪又於禮既緩而左氏以之

經十年春王三月辛卯滅孫辰卒

國

無傳公與小斂故

春秋左傳

卷之九

泃古

書日○與音預
斂力驗反

夏秦伐晉不稱將帥告辭畧○將子匠反
帥所類反

楚殺其大夫宜申宜申子西也謀弒君故書名

自正月不雨至于秋七月無傳義與二年同


及蘇子盟于女栗女栗地名闕蘇子周卿士頃王新

立故與魯盟親諸侯也
○女音汝一音
如字頃音傾

冬狄侵宋無傳

楚子蔡侯次于厥貉厥貉地名闕將伐宋而未行故

書次



傳十年春晉人伐秦取少梁少梁馮翊夏陽縣

商照反下註
同夏戶雅反夏秦伯伐晉取北徵報少梁
○徵如
字三蒼

云縣屬馮翊音
懲一音張里反初楚范巫裔似裔似范邑之巫

○裔尹
必反謂成王與子玉子西曰三君皆將強死皆

強死○正義曰強徒也
無病而死謂被殺也城濮之役王思之故使止子

玉曰毋死不及止子西子西縊而縣絕在僖二十

八年○強其丈反濮音卜母
音無縊一鼓反縣音玄王使適至遂止之使為

商公商楚邑今上維商縣
○王使
所吏反汧漢沂江將入

郟公順流沂逆流
○汧悅專反沂息路反
郟以井反又以政反順流

沂逆流○正義曰商在漢水北漢水東流而南入江
子西既至商邑聞讒不敢居商縣沿漢水順流而下
至江乃沂流逆上渚宮當郢都之南故王在
渚宮下見之也下註云小洲曰渚釋水文 王在渚

宮 小洲曰渚○渚章呂反水中可居者曰洲音州 下見之懼而辭

曰臣免於死又有讒言謂臣將逃臣歸死於司敗也


陳楚各司寇為司敗子西畏讒言不敢之商縣

刑之官司寇是也論語有陳司敗知陳楚同此名也

王使為工尹**掌百工之官又與子家謀弑穆王穆**

王聞之五月殺鬬宜申及仲歸**仲歸子家不書非**

卿○秋七月及蘇子盟于女栗頃王立故也**僖十**



年狄滅溫蘇子奔衛今復見蓋王復之○復扶又反見賢遍反

陳侯鄭伯會楚子于息冬遂及蔡侯次于厥貉**陳**

鄭及宋麋子不書者宋鄭執卑苟免為楚僕任受役

於司馬麋子恥之遂逃而歸三君失位降爵故不列

於諸侯宋鄭猶然則陳侯必同也○麋九倫反**陳鄭**

○正義曰杜以陳鄭會楚子于息遂與蔡侯次于厥貉則陳鄭當在次也傳稱厥貉之會麋子逃歸則麋

子當在也宋公逆楚子間宋公亦在也獨書楚子蔡侯不言陳鄭宋麋故述其事而為之說言宋陳鄭三

君降爵麋子逃歸故不書也劉炫以為告文畧故不書陳鄭宋今知不然者此楚會諸侯必是楚人來告

若楚人來告當以得諸侯為榮何以畧其宋鄭陳乎麋子不書傳云逃歸宋鄭二國為楚僕役猶如許蔡

二君降乘楚車許蔡既不書於經故知宋鄭失位不見此乃傳事分明故特為此解劉炫有以告文畧以規杜氏非也 將以伐宋宋華御事曰楚欲弱我也先為之

弱乎何必使誘我我實不能民何罪乃逆楚子勞且

聽命 時楚欲誘呼宋共戰御事華元父 勞力遂 報反


道以田孟諸 孟諸宋大藪也在梁國睢陽縣東北

○道音導藪素 宋公為右孟鄭伯為左孟 孟田獵 口反睢音綏

陳名 孟音于 期思公復遂為右司馬 復遂楚期 陳直觀反

思邑公今弋陽期思縣 弋以 子朱及文之無畏為 職反

左司馬 將獵張兩甄故置二左司馬然則右司馬



一人當中央 甄吉 將獵至中央 正義曰宋 然反 公為右孟無畏為左司馬而

誅宋公之僕自謂當官而行明無畏當右子朱當左 是其張兩甄故置二左司馬使各掌一甄自然右司

馬一人當 命夙駕載燧 燧取火者 命眉病反燧 中央也 音遂本又作燧

宋公違命 不夙駕載燧 無畏扶其僕以徇或謂子

舟曰國君不可戮也子舟曰當官而行何疆之有

子舟無畏字 扶恥乙反徇 似俊反舟音州 詩曰剛亦不吐柔亦不

茹 詩大雅美仲山甫不辟疆禦 茹如 毋縱詭隨 呂反

以謹罔極 詩大雅詭人隨人無正心者謹猶慎也

罔無也極中也 詭九 毋縱至罔極 正義曰無 委反 從此諱人隨人無正心者

以謹敕彼無中正之人言小罪尚不赦則大罪不敢為也

是亦非辟疆也敢愛死

以亂官乎歸為宣十四年宋人殺于舟張本○厥貉之會麋子逃歸為明年楚子伐麋傳

春秋左傳註疏卷第十九上終

春秋左傳註疏卷第十九下文十一年 盡十五年

晉杜氏註

唐孔穎達疏

經十有一年春楚子伐麋討前年逃厥貉會

夏叔仲彭生會晉卻缺于承筐承筐宋地在陳畱襄

邑縣西彭生叔仲惠伯卻缺冀缺叔仲彭生叔又作州本或作叔彭

生仲衍字 缺丘悅反

秋曹伯來朝

公子遂如宋

狄侵齊

冬十月甲午叔孫得臣敗狄于鹹音咸 鹹魯地

傳十一年春楚子伐麋成大心敗麋師於防渚音成

大心子玉之子大孫伯也防渚麋地潘崇復伐麋至


于錫穴錫穴麋地 復扶又反錫音羊或作錫星歷反 ○夏叔仲惠

伯會晉卻缺于承筐謀諸侯之從於楚者九年陳

鄭及楚平十年宋聽楚命 ○秋曹文公來朝即位而

來見也見賢 ○襄仲聘于宋且言司城蕩意諸而

復之八年意諸來奔歸不書史失之 失之 ○正



義曰諸侯之卿出奔而復歸者宋華元衛孫林父之徒皆書其歸則蕩意諸之歸亦當書之服虔云反不書者施而不德衛冀隆亦同服義而難杜云襄二十九年樂氏施而不德春秋所善不書意諸之歸則是施而不德且經所不書傳即發文史失之即不書日史失之之類是也此既無傳何知史失杜必以為史失者案衛侯鄭之歸于衛也僖公納賂而請之衛侯朔之入于衛也莊公與師而納之歸邾子益于邾自我而歸之皆受魯施並書於經何獨意諸施而不德若意諸施而不德彼何故施而德之春秋公侯大夫失位出奔得人力而反者多矣若皆施而不德不應赴告諸侯魯以不書為是則書者為非何以無貶責之文定人之謂禮存亡之謂義未有禮義在可諱之意故杜以為史官失之故不書於策

師之不害也往年楚次厥貉將以伐宋 ○鄭瞞侵

齊鄭瞞狄國名防風之後漆姓 ○鄭所求反說文作鄭云北方長狄

國也在夏為防風氏殷為汪芒氏字
林鄒一音先牢反瞞莫干反漆音七
狄是北夷大號鄭瞞是其國名魯語云吳伐越隳會
稽獲骨節專車吳子使來聘問之仲尼仲尼寡之客
執骨而問曰敢問骨何為大仲尼曰昔禹致羣臣於
會稽之山防風氏後至禹殺而戮之其骨節專車此
為大矣客曰防風氏何守仲尼曰汪芒氏之君守封
隴之山者也為漆姓在虞夏商為汪芒氏於周為長
狄氏今日大人客曰人長之極幾何仲尼曰焦僂氏
長三尺短之至也長者不過十之數之極也此言長
狄狄之長者彼言於周為長狄知鄭瞞即是防
風氏之後故以國語為說服云伐我不書諱之
遂伐

我公卜使叔孫得臣追之吉侯叔夏御莊叔

得臣○夏戶縣房甥為右富父終甥駟乘四

人共車○乘繩證反○冬十月甲午敗狄于鹹獲長

狄僑如僑如鄭瞞國之君蓋長三丈獲僑如不書

賤夷狄也○僑本作喬其驕反正義曰經書敗狄

于鹹即是敗一國也敗其國而獲此人傳不言是其

將帥知是其國之君也穀梁傳曰長狄瓦石不能害

叔孫得臣最善射者射其目身橫九畝斷其首而載

之脣見於軾何休云蓋長百尺魯語仲尼所云此十

倍焦僂氏之長者故云蓋長三丈魯語言不過十之

是疑之言故云蓋也宣十五年晉師滅赤狄潞氏以

潞子嬰兒歸彼獲嬰兒歸書之此獲僑如不書者潞

國大其君貴故書之此國小僑如賤不書賤夷狄也
富父終甥搯其喉以戈殺之搯猶衝也○搯舒容
反喉音侯
戈古搯其喉以戈殺之○正義曰考工記戈之長
禾反六尺六寸耳得及長狄之喉者兵車之法皆
三人共乘魯宋與長狄之戰車皆四乘埋其首於子
改其乘必長其兵謂之戈蓋形如戈也

駒之門

子駒魯郭門骨節非常恐後世恠之故詳

其處

處昌呂反

以命宣伯

得臣待事而名其三子因

名宣伯曰僑如以旌其功

名如字或亡政反

得臣至其

襄三十年傳說此事云叔孫莊叔敗狄于鹹獲長狄

僑如及虺也豹也皆以名其子定八年傳稱魯苦越

生子將待事而名之陽州之役獲焉故名之曰陽州

知得臣亦待事以名其二子以旌章其功也此三子

未必同年而生或生訖待事或事後**初宋武公之世**

始生欲以章已功取彼各而名之也

鄭瞞伐宋在春秋前

記十二諸侯年表宋武公即位十八年以魯惠公二十一年卒卒在春秋前二十六年不知鄭瞞以何年伐宋也

父帥師禦之彤斑御皇父充石

皇父戴公子充石

皇父名

禦本亦作御魚呂反彤音而

寇牛父駟乘以敗狄于長丘

長丘宋地獲長狄緣

斯緣斯僑如之先


獲長狄緣斯。正義曰服虔云不言所埋埋其身首同處

於戰地**皇父之二子死焉**

皇父與穀甥及牛父皆可

死故彤斑獨受賞

皇父至受賞。正義曰賈逵云皇父與穀甥牛父三子皆死鄭眾以為穀甥牛父二人死耳皇父不死馬融以為皇父之二子從父在軍為敵所殺名不見者方道二子死故得勝之如令皆死誰殺緣斯服虔云殺緣斯者未必三子之手士卒獲之耳下言宋公以門賞彤斑斑為皇父禦而有賞三子不見賞疑皆死賈君為這之如馬之言於傳文為順但斑獨受賞知三子皆



死故杜亦同之宋公於是以門賞郚斑使食其征

征稅也鏡舒門關至稅也正義曰禮惟關

司貨賄之出入掌其治禁與其征塵國凶札則無關

門之征鄭玄云征塵者貨賄之移孟子曰關市譏而

不征則天下行旅皆悅而願出於其塗矣如彼文知

出入關者必有征稅但不知幾而稅一也然據禮文


昭二十年偃介之關暴征其私是關禁之重異於城

門此云食其征謂之郚門晉之滅潞也在宣十五

年音路獲僑如之弟焚如齊襄公之二年魯桓之

十六年鄭瞞伐齊齊王子成父獲其弟榮如榮如

焚如之弟焚如後死而先說者欲其兄弟伯季相次



榮如以魯桓十六年死至宣十五年一百三歲其兄

猶在傳言既長且壽有異於人王子成父齊大夫

壽如字埋其首於周首之北門周首齊邑濟北穀

城縣東北有周首亭衛人獲其季弟簡如伐齊退

走至衛見獲鄭瞞由是遂亡長狄之種絕

長狄之種絕正義曰此時長狄種絕仲尼猶

其時有之若當時猶有其種吳人不應怪其骨也但

如此傳文長狄有種種類相生當有支胤唯獲數人

云其種遂絕深可疑之命守封隅之山賜之以漆為

人且君為民心方以類聚不應獨立三丈之君使收

之生產乎人情度之深可惑也國語仲尼之談左傳丘明所說通賢大聖立此格言不可論其是非實疑之久矣蘇氏云國語稱今日大人但逆居四夷不在中國故云遂亡公羊穀梁竝云長狄兄弟三人一之齊一之魯一之晉何以書記異猶如史記所云秦時大人見於臨洮

安於夫鍾 安處也夫鍾邠邑 邠音成儒如 **國人**

弗徇 徇順也為明年邠伯來奔傳 徇以

經十有二年春王正月邠伯來奔 稱爵見公以諸侯

禮迎之 見賢 稱爵至迎之 正義曰此實大

君史遂從公之意成十年晉侯有疾立太子州蒲為君會諸侯伐鄭經即書為晉侯史官不可反公之心追言世子從君所稱更是其實故也

杞伯來朝 復稱伯舍夷禮 復扶又反一

二月庚子子叔姬卒 既嫁成人雖見出棄猶以恩錄

其卒 既嫁至其卒 正義曰天子諸侯絕期嫁女於諸侯則尊同恩成於敵體其禮不為降卒則服大功九月叔姬既為杞之夫人雖見出棄猶以恩錄其卒喪服女子既嫁而反在父母之室從本服為之齊衰期此既書其卒當服其本服杜譜不知此叔姬是何公之女要姑與姊妹皆服期也釋例曰出棄之女反在父母之室則與既笄成人者同故亦書卒也杞叔姬卒穀梁以為公母姊妹謂同母姊妹

夏楚人圍巢 巢吳楚間小國廬江六縣東有居巢城

秋滕子來朝秦伯使術來聘 術不稱氏史畧文

冬十有二月戊午晉人秦人戰于河曲 不書敗績交

綏而退不大崩也稱人秦晉無功以微者告也皆陳

曰戰例在莊十一年河曲在河東蒲坂縣南陳直

音反

季孫行父帥師城諸及鄆鄆莒魯所爭者城陽姑幕

縣南有負亭負即鄆也以其遠偏外國故帥師城之

○鄆音運幕音莫負音云一音運本又作鄆音同

傳十二年春邾伯卒邾人立君大子自安於外邑

故大子以夫鍾與邾邾來奔邾邾亦邑音圭邾公以

諸侯逆之非禮也非公寵叛人故書曰邾伯來奔

不書地尊諸侯也既尊以為諸侯故不復見其竊

邑之罪復扶又反見賢通反○杞桓公來朝始朝公也公

即位始來朝始朝公也○正義曰劉炫云魯公新立鄰國及時來朝則曰公即位而來

朝晚則云始朝公也諸侯自新立來及時者則云即位而來見晚則云始見霸主即位魯公往朝則曰朝

嗣君魯君新立往朝大且請絕叔姬而無絕昏公許

之不絕昏立其娣以為夫人不書來歸未笄而卒

○笄古絕昏成五年有杞叔姬來歸故知其娣為


夫人也其娣亦字叔者周之法稱叔也釋例曰杞桓

公以僖二十三年即位襄六年卒凡在位七十一年

文成之世經書叔姬二人一人出一人卒皆杞桓公

夫人也傳例出曰來歸不書來歸未歸而卒也既歸

夫也



而卒亦當書之成五年杞叔姬來歸八年書卒是也
宣十六年鄉伯姬來歸後不書卒者或更嫁於大夫
故不書 二月叔姬卒不言杞絕也 既許其絕故不
卒耳

言杞書叔姬言非女也 女未嫁而卒不書 楚令

尹大孫伯卒成嘉為令尹 若敖曾孫子孔羣舒叛

楚羣舒偃姓舒庸舒鳩之屬今廬江南有舒城舒

城西南有龍舒 羣舒至龍舒正義曰世本偃

以其非一故 夏子孔執舒子平及宗子遂圍巢 舒君名宗巢二國羣舒之屬 秋滕昭公來朝亦始

朝公也 秦伯使西乞術來聘且言將伐晉襄仲辭

玉曰君不忘先君之好照臨魯國鎮撫其社稷重之

以大器寡君敢辭玉 大器圭璋也不欲與秦為好

故辭玉 好呼報反註及下 義曰聘君用圭享用

璧聘夫人用璋享用琮聘禮記曰凡四器者唯其所

寶以聘可也故知所言大器是圭璋也考工記玉人


云瑑圭璋八寸璧琮八寸以規聘聘禮記云所以朝

天子圭與纁皆九寸問諸侯朱綠纁八寸鄭玄云於

天子曰朝於諸侯曰問記之於聘文互相備言互相

備者朝諸侯與天子同聘天子與諸侯同也所言朝

圭九寸聘圭八寸謂上公禮也使臣出聘降君一等
故八寸則侯伯之使當瑑圭六寸子男之使當瑑璧
四寸也聘義曰以圭璋聘重禮也已聘而還圭璋此
輕財而重禮之義也然則玉必還其來使而下云致
諸執事以為瑞節及襄仲辭之者禮聘終雖復得還
玉初聘之時其意欲致與主國但主之且襄仲辭之



者為不欲與秦為好國謙退禮終還對曰不腆敝器不足辭也

也。腆他主人三辭賓客曰寡君願徼福于周公魯

公以事君。徼要也魯公伯禽也言願事君以并蒙

先君之福。微古堯反要於堯反下同不腆先君之敝器使下臣


致諸執事以為瑞節。節信也出聘必告廟故稱先

君之器。瑞垂。要結好命所以藉寡君之命結二國

之好。藉薦也。藉在夜。禮執圭所以致君命君

命致藉玉而後通若坐之。有薦席然故以藉為薦也。是以敢致之襄仲曰不有

君子其能國乎國無陋矣厚賄之。賄贈送也。呼罪



反。秦為令狐之役故。為于。冬秦伯伐晉取羈馬

令狐役在七年羈馬晉邑。丁反。晉人禦之趙盾

將中軍荀林父佐之。林父代先克。將子匠。郤缺

將上軍。代箕鄭與駢佐之。代林父。駢步。樂盾

將下軍。樂枝子代先蔑。樂力官反。胥甲佐之。

胥臣子代先都范無恤御戎。代步昭。昭上。以從

秦師于河曲與駢曰秦不能久請深壘固軍以待之

從之秦人欲戰秦伯謂士會曰若何而戰。晉士會

七年奔秦。壘力。深壘固軍。正義曰壘壁也軍

軌反。營所處築土自衛謂之為壘深

者高也高其壘以為軍之阻固案觀禮說為壇深四尺鄭註云深高也是其義也對曰趙氏

新出其屬曰與駢必實為此謀將以老我師也

駢趙盾屬大夫新出佐上軍趙有側室曰穿晉君之

壻也側室支子穿趙夙庶孫

文王世子云公若有出疆之政庶子守公宮正室守

太廟鄭玄云正室適子也正室是適子知側室是支

子言在適子之側也世族譜穿趙夙之孫則是趙盾


從父昆弟之子也盾為正室故謂穿為側室穿別為

邯鄲氏趙施趙勝有寵而弱不在軍事弱年少也

邯鄲午是其後也又未嘗涉知軍事少詩好勇而狂且惡與駢之佐

上軍也若使輕者肆焉其可肆暫往而退也

烏路



反輕遣政秦伯以璧祈戰于河禱求勝

反肆音四報十二月戊午秦軍掩晉上軍趙穿追之不及

軍不動趙穿獨追之反怒曰襄糧坐甲固敵是求敵

至不擊將何俟焉軍吏曰將有待也待可擊

襄糧坐甲常臨敵則被之於身未戰且坐之於地穿曰我不

知謀將獨出乃以其屬出宣子曰秦獲穿也獲一卿

矣僖三十二年晉侯以一命命卻缺為卿不有軍

帥之數然則晉自有散位從卿者帥所類反秦以

勝歸我何以報乃皆出戰交綏司馬法曰遂奔不

遠從綏不及逐奔不遠則難誘從綏不及則難陷然則古名退軍為綏秦晉志未能堅戰短兵未至爭而

兩退故曰交綏○爭爭**綏**司馬至兩退。正義曰

死綏舊說綏部也言軍卻將當死綏必是退軍之名綏訓為安蓋兵書務在進取恥言其退以安行即為

大罪故以綏為名焉**秦行人夜戒晉師曰兩君之士皆未愁也**

明日請相見也**愁**○愁魚覲反又魚轄反方

言云傷也字林云間也牛**愁**○愁缺也。正義曰愁者缺之貌今人猶謂缺

反為愁也沈氏云方言云愁傷傷即缺也下云死**傷未收則是已有死者但未至****與駢曰使者目動而**

言肆懼我也目動心不安言肆聲失常節。使



反**將遁矣薄諸河必敗之**薄迫也。遁徒困反薄

反**胥甲趙穿當軍門呼曰死傷未收而棄之不惠**

也不待期而薄人於險無勇也乃止晉師止為宣

元年放胥甲傳秦師夜遁復侵晉入瑕。復扶。○城

諸及鄆書時也

經十有三年春王正月

夏五月壬午陳侯朔卒無傳再同盟。正義曰朔以

僖二十九年即位其年盟于翟泉文二年年于垂隴七年于扈云再同盟者據文公言之

邾子遽陳卒未同盟而赴以名。遽其居反。同盟未

而赴以名。正義曰：遠陳邾子瑱之子也。莊二十九年，即位僖元年，與魯盟于犂，而云未同盟，蓋據文公為言，故云未同盟。劉炫以犂盟規之，非也。

自正月不雨至于秋七月。無傳。義與二年同。

大室屋壞。大廟之室。大音泰。大廟之室。正則於此室當共知大廟之室也。明堂位曰：祀周公於大廟，此周公之廟，壞也不直言大廟壞，而云大室屋壞者，大廟之制其簷四阿而下，室當其中，又拔出為重屋。明堂位云：大廟，天子明堂，復廟，重檐，天子之廟，飭鄭云：復廟，重屋也。是天子之廟，上為重屋，此是大廟當中之室，其上之屋，壞非大廟，今壞也。公羊作世室，傳曰：世室者，何魯公之廟也。周公稱大廟，魯公稱世室，羣公稱宮，此魯公之廟也。曷為謂之世室？猶世世不毀也。左傳不辨此是何公之廟，而經謂之大室，言此室是室之最大者，故知是周公之廟，非魯公也。

明堂位曰：魯公之廟，文世室也。武公之廟，武世室也。不毀，則稱世室。世室非一君廟名，若是伯禽之廟，則宜舉其號，諡案左傳，經為大室，不作世室，故左氏先師賈服等皆以為大廟之室也。壞必更作書，其壞而不書作者，隨即修之，故不書也。定二年五月，雉門及兩觀災，十月新作雉門及兩觀，啓塞從時，譏其緩作，故別書之耳。

冬公如晉，衛侯會公于沓。沓地闕。沓徒。答反。

狄侵衛。無傳。

十有二月己丑，公及晉侯盟。十二月無己丑，己丑十一月十一日。

一月十一日

公還自晉，鄭伯會公于棗。棗鄭地。棗芳味反。又非尾反。

傳十三年春晉侯使詹嘉處瑕以守桃林之塞

嘉晉大夫賜其瑕邑令帥眾守桃林以備秦桃林在

弘農華陰縣東潼關詹章廉反塞悉代反令

嘉至潼關正義曰桃林之塞在河南之南遠處晉


與東方諸侯遠結恩好及西乞聘魯亦應更交餘國

往也晉人患秦之用士會也夏六卿相見於諸浮

浮晉地六卿至諸浮正義曰六卿在朝旦夕聚

季在狄難日至矣若之何趙宣子曰隨會在秦賈

季在狄難日至矣若之何六年賈季奔狄難



人實中行桓子曰請復賈季中行桓子荀林父也

僖二十八年始將中行故以為氏行司郎反註能

外事且由舊勳有狐偃之舊勳能外事正義曰賈季是狐突

且罪大殺陽處父故不如隨會能賤而有恥柔而

不犯不可犯以不義能賤而有恥正義曰服

者以誘士會執其帑於晉使夜逸魏壽餘畢萬之

後帑壽餘子知音智魏壽至之後正義曰

後帑壽餘子帑音奴閔元年晉侯賜畢萬魏魏

犍者萬之孫為魏之世適壽餘為魏邑請自歸于秦

之主當是犍之近親故云畢萬之後

秦伯許之許受其邑履士會之足於朝躡士會

足欲使行涉反秦伯師于河西將取魏魏人在

東今河北縣於秦為在河之東壽餘曰謂東人之

能與夫二三有司言者吾與之先欲與晉人在秦

者共先告諭魏有司夫請東至之先正義曰

才能堪與彼魏邑二三有司請舊是東方之人并有

說歸秦之言者吾與先行使士會士會辭曰晉人

虎狼也若背其言臣死妻子為戮無益於君不可悔

也辭行示已無去心背音臣死至悔也正義曰言身徇死於

晉妻為戮於秦必無益於君不可改悔秦伯曰若背其言所不歸爾帑

者有如河言必歸其妻子明白如河乃行繞朝贈

之以策策馬櫪臨別授之馬櫪並示已所策以展

情繞朝秦大夫朝如字又張遙反策本又作策初

林作策云策馬櫪正義曰服虔云繞朝以

也竹瓜反策書贈士會杜不然者壽餘請訖士


會節行不服書策為辭且事既密不宜以簡贈人傳

稱以書相與皆云與書此獨不宜云贈之以策知是

馬櫪櫪曰子無謂秦無人吾謀適不用也示已覺

其情既濟魏人謀而還喜得士會還音旋秦人

歸其帑其處者為劉氏士會堯後劉累之胤別族




復累之姓

○累劣被反

○

其處者為劉氏○正義曰伍員屬其子於齊使為王孫氏者知

已將死豫令改族其傳又為而發之士會之帑在秦不顯於會之身復無所辟傳說處秦為劉氏未知何意言此討尋上下其文不類深疑此句或非本旨蓋以為漢室初興捐棄古學左氏不顯於世先儒無以自申劉氏從秦從魏其源本出劉累挿註此辭將以媚於世明帝時賈逵並疏云五經皆無證圖識明劉氏為堯後者而左氏獨有明文竊謂前世藉此以求道通故後引之以為證耳○**○**士會至之姓○正義曰昭二十九年傳稱陶唐氏既衰其後曰劉累能飲食龍夏王孔甲賜氏曰御龍襄二十四年傳范宣子云甸之祖自虞以上為陶唐氏在夏為御龍云在商為豕韋氏在周為唐杜氏晉主夏盟為范氏晉語云晉隰叔子違周難於晉生子輿為司空世及武子佐文襄輔成景是以受隨范賈逵云隰叔杜伯之子周宣王殺杜伯其子逃奔晉子輿士為也武子為之孫即士會也又世本土為生士伯缺缺生士會會生士



變會是為之孫是為堯後也會子在秦不被賜族故自復累之姓為劉氏秦滅魏劉氏徙大梁漢高祖之祖為豐公又徙沛

故高祖為沛人

○邾文公卜遷于繹

繹邾邑魯國繹縣北有繹山

○繹音亦○義曰邾都本在鄒縣鄒縣北有繹山徙都於彼山旁山旁當有舊邑故曰繹邾邑也邾既遷都於此竟內別有繹邑宣十年公孫歸父帥師伐邾取繹取彼之別邑不取邾之國都也但邾是卜國彼繹邑亦取繹山為名應近邾之都耳

史曰利於民而不利於君邾子曰苟利於民孤之

利也天生民而樹之君以利之也民既利矣孤必與

焉左右曰命可長也君何弗為邾子曰命在養民死

之短長時也民苟利矣遷也吉莫如之

左右以一

人之命為言文公以百姓之命為主一人之命各有短長不可如何百姓之命乃傳世無窮故徙之。音預與傳直。音預左右至徙之。正義曰史明卜筮知國遷專反。音預君必死不知君命自當卒也左右之意謂不遷命可長左右勸君弗遷以一人之命為言也文公之意人君之命在於養民遷則民利志在必遷以百姓之命為主也一人之命各有短長長短先定不遷亦死是不可如何百姓之命利在水土遷就善居則民安樂乃傳世無窮也晉遷新田十世遂遷于繹五之利衛遷帝丘卜曰三百年是傳世也。

月邾文公卒君子曰知命音預君子曰知命。正義曰而死死之短長有時不遷至期亦卒傳言君子曰知命所以證俗人之惑邾文公以莊二十九年即位至今五十二年享國。秋七月大室之屋壞書不共也。久矣命非短折也。



註簡慢宗廟使至傾頽故書以見臣子不共。音預頽大賢遍。音預書不共。正義曰釋例曰大室之屋國之所反。尊朽而不繕久旱遇雨乃遂傾頽不共之甚故特書之。

○冬公如晉朝且尋盟衛侯會公于沓請平于晉公還鄭伯會公于棗亦請平于晉公皆成之。音預鄭

衛貳于楚畏晉故因公請平鄭伯與公宴于棗子家

賦鴻鴈音預子家鄭大夫公子歸生也鴻鴈詩小雅義

取侯伯哀恤鰥寡有征行之勞言鄭國寡弱欲使魯

侯還晉恤之。音預鰥古。子家至恤之。正義曰鴻

首章云之子于征劬勞于野爰及矜人哀此鰥寡之

子侯伯卿士也存省諸侯劬勞外野爰日也矜憐也

王命之曰當及此可憐之人謂貧窮者又當哀此鰥夫寡婦當收斂之使有依附子家言鄭寡弱欲使魯侯遠行還晉存恤之也李文子曰寡君未免於此言亦同有

微弱之憂文子賦四月四月詩小雅義取行役踰

時思歸祭祀不欲為還晉為于偽四月至還反下皆同

四月大夫行役之怨詩也首章云四月初夏六月徂暑先祖匪人胡寧忍予大夫言已四月初夏而行至

六月徂暑矣寒暑易節尚不得歸我之先祖匪人乎王者何當施忍於我不使得祭祀也文子言已思歸

祭祀不欲晉子家賦載馳之四章載馳詩鄘風四章

更復還晉以下義取小國有急欲引大國以救助音容

救助正義曰載馳許穆夫人聞衛之滅思歸吟兄之詩也其四章曰陟彼阿丘言采其蟲女子善懷亦



各有行許人尤之眾穉且狂其五章曰我行其野芄芄其麥控于大邦誰因誰極大夫君子無我有尤百爾所思不如我所之此義取小國有急控告大國文在五章而傳言四章故云四章以下言其并賦五章

文子賦采薇之四章采薇詩小雅取其豈敢定居

一月三捷許為鄭還不敢安居三息暫反又

月三捷正義曰捷勝也鄭伯拜謝公為行公答

拜

經十四年春王正月公至自晉無傳告于廟

邾人伐我南鄙叔彭生帥師伐邾

夏五月乙亥齊侯潘卒七年盟于扈乙亥四月二十

九日書五月從赴○潘判**○**七年至從赴○正義

殺孝公子而立是為昭公昭公則以僖二十八年即位其年盟于踐土據文公言之唯同扈之盟耳杜以

長歷按之知乙亥是四月二十九日書五月從赴者蓋赴以五月到惟言卒日不言其月即書其所至之

月


六月公會宋公陳侯衛侯鄭伯許男曹伯晉趙盾癸酉

同盟于新城○新城宋地在梁國穀熟縣西

秋七月有星孛入于北斗○孛音佩徐無憤反嵇康音渤海

非常所有故書之孛音嵇似歲反一音雖遂反見賢

徧**○**孛至書之**○**正義曰公羊傳曰孛者何孛反**○**星也其言入于北斗何北斗有中如何以書記



異也穀梁傳曰孛之為言猶弗也其曰入北斗斗有環域也釋天云孛星為欃槍郭璞曰妖星也亦謂之孛言其形孛孛似星孛也經言入于北斗則從他處而入是既見而移入北斗也孛星長有尾入于北斗杓中妖星非常所有故書

公至自會○無傳

晉人納捷菑于邾弗克納○邾有成君晉趙盾不度於

義而大興諸侯之師涉邾之竟見辭而退雖有服義

之善所興者廣所害者衆故貶稱人**○**菑側其反度待各反竟音境

納捷菑于邾**○**正義曰捷菑不言邾者下有于邾之文莊公伐齊納子糾不言齊者上有伐齊之文

與此同也僖二十五年楚人圍陳納頓子于頓昭十二年齊高偃納北燕伯于陽彼舊是國君故稱其國

哀二年晉趙鞅納衛世子蒯聩于戚世子之尊以名體國上下又無衛文故亦稱國與此異也齊小白齊陽生許叔蔡季之屬納無納文又復得國與此不同也劉炫云已去邾國又非邾君故不稱邾捷菑也得國為君皆舉國言之齊小白入于齊是也


九月甲申公孫敖卒于齊既許復之故從大夫例書

卒既許至書卒。正義曰傳稱請葬不許明年傳云葬視共仲則是不得從大夫禮葬而得從

大夫例書卒者卒葬異禮事不相連隱公書薨不書葬不成喪不以君禮成其葬也不以君禮猶得書公薨敖雖不以卿禮葬既許其復得從例書卒

齊公子商人弑其君舍舍未踰年而稱君者先君既

葬舍已即位弑君例在宣四年舍未至四年。正義曰公羊之例



既葬稱子踰年稱公左氏則不然僖九年九月晉侯僖諸卒冬晉里克殺其君之子奚齊傳曰書曰殺其君之子未葬也荀息立公子卓以葬十一月里克殺公子卓于朝經書里克殺其君卓是未葬稱子既葬稱君不待踰年始稱君也此稱弑其君舍舍已成君故云未踰年而稱君者先君既葬舍已即位也傳云五月昭公卒舍即位後七月為商人所弑經傳無葬昭公之文又齊侯以五月而卒傳稱七月弑舍時未合葬知已葬者正以舍已稱君決知既葬春秋之世多不如禮葬之早晚時有遲速雖復違禮而葬後君葬訖即成君非計禮之葬日始成君也宣十年夏四月齊侯元卒六月葬齊惠公冬齊侯使國佐來聘是葬惠成君之文也杜以成君在於既葬不以踰年為限此言未踰年者意在排舊說也

宋子哀來奔大夫奔例書名氏貴之故書字。大夫至

書字。正義曰崔杼無罪書崔氏出奔此貴子哀書其字云於例字貴於各故儀父女叔之徒皆書其字

則書字是貴之常例也崔氏傳曰且告以族故因稱氏唯以不名為義

冬單伯如齊

註

單伯周卿士為魯如齊故書

○單音善為于偽反

齊人執單伯

註

諸侯無執王使之義故不依行人例使

所吏反諸侯至人例○正義曰諸侯執諸侯之大夫無罪則稱行人以見無罪之義王者之使

不問有罪無罪諸侯皆不得執之執之則為不臣以諸侯無執王使之義故單伯不依行人例言單伯身

雖無罪不依使例故不稱行人也諸侯不得執王使而諸侯之史得貶王使者史之所書周公定法已君

有過猶尚書之王使有愆亦得貶也

齊人執子叔姬


註

叔姬魯女齊侯舍之母不稱夫人自

魯錄之父母辭

註

叔姬至母辭○正義曰使稱子叔姬妃齊昭公知至之母也不稱



夫人自魯錄之父母辭亦不知是何公之女魯是其文母家不言文公是其父稱子叔姬者服云子殺身執閔之故言子為在室辭十二年子叔姬卒已被起絕是並在室也

傳十四年春頃王崩周公閱與王孫蘇爭政故不赴

凡崩薨不赴則不書禍福不告亦不書

註

奔亡禍也

歸復福也

○頃音傾閱音悅

註

奔亡至福也○正義曰因崩薨而言禍福則禍亦崩薨

之類福是反禍者也福莫大於享國有家禍莫甚於亡家喪國禍亦崩薨之類相大之物且奔亡歸復其

事多矣雖有出入之例未見不告之義此傳於崩薨之末言之故知奔亡是禍歸復是福也

敬也

註

欲使怠慢者戒

○懲直升反

○邾文公之卒也

註

在前年公使弔焉不敬邾人來討伐我南鄙故惠伯

伐邾○子叔姬妃齊昭公生舍叔姬無寵舍無威公

子商人驟施於國驟數也商人桓公子○妃音配本亦作配

驟仕救反施式歧反數音朔而多聚士盡其家貸於公有司以繼

之家財盡從公及國之有司富者貸○盡車忍反貸音待又音

忒註夏五月昭公卒舍即位○邾文公元妃齊姜生

定公二妃晉姬生捷菑文公卒邾人立定公捷菑奔

晉○六月同盟于新城從於楚者服從楚者陳鄭

宋且謀邾也謀納捷菑○秋七月乙卯夜齊商人

弑舍而讓元元商人見齊惠公也書九月從告七



月無乙卯日誤○弑音試本又作殺元曰爾求之久矣我能事

爾爾不可使多蓄憾不為君則恨多○蓄敕六反本又作畜憾

本又作感將免我乎爾為之言將復殺我○復暗反恨也

反將免我乎正義曰言爾已殺君矣我若為君

爾將肯放免我乎言將復殺我劉炫云爾將免

我為君○有星孛入于北斗周内史叔服曰不出七

年宋齊晉之君皆將死亂後三年宋弑昭公五年

齊弑懿公七年晉弑靈公史服但言事徵而不論其

占固非末學所得詳言○弑音試下同後三至詳言○正義曰昭十七年

傳申須云彗所以除舊布新也天事恒象又二十六年傳晏子曰天之有彗也以除穢也宋齊晉三國之

君竝為無道皆有穢德今豈出而彼死是除穢之事
但未測何以知此三君當之史服但言事徵不言其
占非末學所得詳言故言其驗而不推其義
○晉趙盾以諸侯之師八百

乘納捷菑于邾八百乘六萬人言力有餘○乘繩證反註

同邾人辭曰齊出纓且長纓且定公○纓俱縛反徐居碧反且


子餘反長丁丈反下註同宣子曰辭順而弗從不祥乃還立適

以長故曰辭順適丁○周公將與王孫蘇訟于晉歷反

王叛王孫蘇王世王叛不與而使尹氏與聘啓訟

周公于晉訟理之尹氏周卿士聘啓周大夫○聘乃甘

反趙宣子平王室而復之使復和親○楚莊王立



穆王子也子孔潘崇將襲羣舒使公子變與子儀

守而伐舒蓼即羣舒○變舒協反守手又反蓼音了二子作亂城

郢而使賊殺子孔不克而還八月二子以楚子出將

如商密國語曰楚莊王幼弱子儀為師王子變為

傳音旋還楚莊王方弱申公子儀父為師王子變為

傳使潘崇子孔帥師以伐舒變及儀父施二帥而分

其室師還至則以王如廬廬戰黎殺二子而復王

廬戰黎及叔麋誘之遂殺鬬克及公子變廬今襄

陽中廬縣戰黎廬大夫叔麋其佐鬬克子儀也力於

秦有般之敗在僖三十三年而使歸求成成而不

得志無賞報也公子燮求令尹而不得故二子作

亂傳言楚莊幼弱國內亂所以不能與晉競穆

伯之從已氏也在八年魯人立文伯


穆伯之子穀也穆伯生二子於莒而求復文伯以為

請襄仲使無朝聽命復而不出不得使與聽政事

終寢於家故出入不書為請如字又于僞反下以

二年而盡室以復適莒文伯疾而請曰穀之子弱

子孟獻子年尚少盡津忍反復扶請立難也



難穀弟難乃多反又如字許之文伯卒立惠叔穆伯請重賂

以求復惠叔以為請許之將來九月卒于齊告喪請

葬弗許請以卿禮葬宋高哀為蕭封人以為卿

蕭宋附庸仕附庸還升為卿蕭宋至為卿

莊十二年宋萬弒閔公蕭叔大心者宋蕭邑之大夫

也平宋亂立桓公宋人賞其勞以蕭邑封叔為附庸

莊二十三年蕭叔朝公是為附庸故稱朝附屬宋國

故云宋附庸也宣十二年楚子滅蕭此時蕭國仍在

高哀仕於蕭國遂不義宋公而出遂來奔出而待

放從放所來故曰遂書曰宋子哀來奔貴之也貴

春秋左傳

卷之九

二十三

級古閣

使來告難故書以九月齊人不服故三月而後定

書以九月明經日月皆從赴難乃

商人實以七月弑舍取其位而齊人未服三月而後

定定訖始來告不告舍死之月唯言商人弑舍魯史

以其九月來告即書之於九月如此傳文告以九月

即書九月明經之日月皆從赴而書非褒貶詳畧也

杜言此者排先儒言齊公子元不順懿公之為政也

終不曰公曰夫已氏猶言某甲

甲○正義曰心惡其政不以為公凡與夫言欲稱君

者終不謂之為公曰夫已氏斤懿公之名也劉云甲

已俱是名故襄仲使告于王請以王寵求昭姬于

齊昭姬子叔姬曰殺其子焉用其母請受而罪之

云猶言某甲

○焉於冬單伯如齊請子叔姬齊人執之恨魯恃

虔反王勢以求女故又執子叔姬欲以恥辱魯

經十有五年春季孫行父如晉

三月宋司馬華孫來盟華孫奉使鄰國能臨事制宜

至魯而後定盟故不稱使其官皆從故稱司馬戶化

反使所吏反華孫至司馬正義曰成三年晉

從才用反侯使荀庚來聘衛侯使孫良夫來聘

丙午及荀庚盟丁未及孫良夫盟彼先以君命行聘

禮既而別與之盟故書聘又書盟此雖使來聘魯不

令結盟故書盟未稱使也僖四年楚屈完來盟于師

春秋左傳

卷十九下二十四

及古閣

復曰華孫者劉炫云或以為華耦貴之既深故特書族案傳華耦魯人以為敏則君子不許是魯貴之不深蓋史有文質故辭有詳畧

夏曹伯來朝

齊人歸公孫敖之喪

大夫喪還不書善魯感子以赦

父敦公族之恩崇仁孝之教故特錄敖喪歸以示義

註大夫至示義。正義曰桓十八年公之喪至自齊僖元年夫人氏之喪至自齊二註皆云告於廟

也是公與夫人薨于外竟皆啓廟告至例書於策宣八年仲遂卒于垂成十七年公孫嬰齊卒于狸服皆

不書喪至是大夫喪還例不書此獨書齊人歸公孫敖之喪者釋例曰公孫敖縱情棄也既已絕位非大

夫也而備書於經者惠叔毀請於朝感子以赦父敦公族之恩崇仁孝之教故曰為孟氏且國故是也不

言來者魯人取之齊人送之非有專使特來故不言來哀八年齊人歸讙及闡註云不言來命歸之無指使此亦彼之類也

六月辛丑朔日有食之鼓用牲于社

註傳例曰非禮也

單伯至自齊

晉郤缺帥師伐蔡戊申入蔡

註傳例曰獲大城曰入

齊人侵我西鄙

季孫行父如晉

冬十有一月諸侯盟于扈

註將伐齊晉侯受賂而止故

總曰諸侯言不足序列

十有二月齊人來歸子叔姬齊人以王故來送子叔

姬故與直出者異文齊人至異文。正義曰傳

齊人以王之故來送叔姬故與直出異文也使者卑

微不可言齊侯使人故云齊人來歸九年秦人來歸

僖公成風之禭定十年齊人來歸鄆謹龜陰之田成

九年晉人來勝之類皆是來者微賤不得稱君命故

稱人舉國

齊侯侵我西鄙遂伐曹入其郭郭郭也。音孚

傳十五年春季文子如晉為單伯與子叔姬故也古之盟會

因晉請齊為于偽反下為孟○三月宋華耦來盟

其官皆從之書曰宋司馬華孫貴之也古之盟會

必備威儀崇贊幣賓主以成禮為敬故傳曰卿行旅

從春秋時率多不能備儀華孫能率其屬以從古典

所以敬事而自重使重而自敬則魯尊而禮篤故貴

而不名皆從才用反註旅從同又音如字

不名正義曰杜檢傳文諸言書曰者皆是仲尼新

意此云其官皆從即云書曰司馬貴之明是貴其官

從故書其官也聘禮之文有上介衆介至所聘之國

誓于其竟則史讀書司馬執策賈人拭玉有司展幣

其從羣官多矣詩縣蠻之篇言大臣出行微臣隨從

以敬其君事而自鎮重也使人既重而承事恭敬則魯被尊而賓禮篤也奉使鄰國能尊重而承事恭敬則之事故仲尼貴而不名至宴無故揚其先祖之罪為已謙辭是不敏之極魯人以為敏明君子所不與言仲尼貴其官從君子嗤其失辭有善有惡傳兩舉之也釋例曰古之盟會必備禮儀示等威明貴賤各以成禮為節節制兼備則名位不愆華孫居擾攘之世而能率由古典所以敬事而自重使重而事敬則魯尊而禮篤故貴之也至於宴會追稱先人之罪為已謙辭謙以失辭故傳云魯人以為敏明君子所不與也是言善惡兩舉之事也襄五年傳曰楚殺其大夫公子壬夫貪也君子謂楚共王於是不刑言貪也罪壬夫不刑責共王亦是兩舉之文其事類於此也服虔云華耦為卿侈而不度以君命修好結盟舉其官屬從之空官廢職魯人不知其非反尊貴之其意以為貴之者魯人貴之非君子貴之案經儀父與魯結好子哀不義宋公孫城效節來奔單伯自齊致命傳皆言書曰貴之實善而貴之也此亦云書曰司馬華



孫貴之何故惡而貴之也劉炫又難云此為不知其非儀父豈亦魯不知其非而貴之乎孔子修春秋裁其得失定其褒貶善惡彰於其篇臧否示於來世若魯人所善亦善之所惡亦惡之已無心於抑揚遂逐魯人之善惡筆削之勞何所施用約之以理豈其然哉其官皆從謂共聘之官無闕當有留治政者豈舉朝盡行而責其空官也若以官從即責公與之宴辭空官聘禮官屬不少豈周公妄制禮乎

曰君之先臣督得罪於宋殤公名在諸侯之策臣承其祀其敢辱君耦華督曾孫也督弑殤公在桓二

年耦自以罪人子孫故不敢屈辱魯公對共宴會請

承命於亞旅亞旅上大夫也

正義曰尚書牧誓武王呼羣官而誓曰司徒司馬司空亞旅孔安國云亞次也旅衆也衆大夫其位次卿


成二年傳魯賜晉三帥三命之服侯正亞旅受一命之服皆卿後即次亞旅知是上大夫也華孫不敢當君請受上大夫之宴魯人以為敏魯人以為敏無故揚其先祖之罪是不敏魯人以為敏明君子所不與也魯人。正義曰魯人魯鈍之人

○夏曹伯來朝禮也諸侯五年再相朝以修王命古

之制也國十一年曹伯來朝雖至此乃來亦五年傳


為冬齊侯伐曹張本國諸侯至制也。正義曰周禮

相問也殷相聘也世相朝也鄭玄云父死子立曰世凡諸侯相朝皆小國朝於大國或敵國相為賓或彼君新立此往朝焉或此君新即位自往朝彼皆是世相朝也襄元年邾子來朝傳曰凡諸侯即位小國朝之是此新立而彼朝之也文九年曹伯襄卒十一年曹伯來朝傳曰即位而來見也是彼新立而朝此也



則知春秋之時猶有世相朝法與周禮合也周禮諸侯邦交唯有此法無五年再朝之制此云古之制也必是古有此法但禮文殘缺未知古是何時鄭玄云古者據今而述前代之言夏殷之時天子蓋六年一巡狩諸侯間而朝天子其不朝者朝罷朝五年再相朝者似如此然則古者據今時而道前世自不必皆道前代傳稱古者越國而謀非謂前代之人有此謀也古人有言非謂前代之人有此言也詩云我思古人非思夏殷之人也此云古者亦非必夏殷鄭言夏殷禮非也僖十五年公如齊杜云諸侯五年再相朝禮也引此證彼則是當時正法非謂前代禮也或人見僖公朝齊杜引此為證遂言五年再相朝是時霸王之法然則魯非霸主曹伯何以朝之曹豈推魯為霸主而屈已以朝之也且云古之制也即是古之聖王制為此法天子不衰諸侯無霸明德天子豈慮世衰霸王威權不行而為之制此法政諸侯以朝之此不達理之言耳然則諸侯之邦交者將以協近鄰結恩好安社稷息民人土宇相望竟界連接一世一朝

疎闊太甚其於間天之年必有相朝之法周禮言世相朝者以其一舊一新彼此未狎於此之際必須往朝舉其禮之大者不言唯此事五年再相朝正是周禮之制周禮文不具耳文襄之霸其務不煩諸侯以五年再朝往來大數更制三年一聘五年一朝所以說諸侯也五年一朝者亦謂朝大國耳且彼因說弔葬非獨霸主之喪明使諸侯相共行此禮也霸主遭時制宜非能創制改物諸侯或從時令或率舊章此在文襄之後仍守舊制故五年再相朝也傳言古之制以文襄已改故也昭十三年歲聘間朝是周之諸侯朝天子之法故釋例引之云明王之制歲聘以志業以解朝聘之數尚書周官六年五服一朝孔傳云一朝會京師是再朝而會周之正禮也若然大行人云侯服一歲一見甸服二歲一見男服三歲一見采服四歲一見衛服五歲一見要服六歲一見何於服數朝者大行人所云謂貢物而見或君自至或遣臣來除此貢物之外別有朝會之禮沈氏以為諸侯五年再相朝及昭十三年皆為朝牧伯之法以間朝



以講禮與再朝而會是三歲之朝與六年之朝大率言之是五年之內再相朝也但魯非曹之伯國而沈云朝牧伯之禮又昭十三年朝盟主○齊人或為孟之法亦無明證沈氏之言未可從也

氏謀 孟氏公孫敖家慶父為長庶故或稱孟氏長

丁丈 **孟氏** 孟氏至孟氏○正義曰公孫敖慶父之子反 **杜** 以慶父與孟公異母庶長稱孟雖強同於

適自稱為仲以其實是 **曰魯爾親也飾棺寘諸堂阜**

長庶故時人或稱孟氏 **曰魯爾親也飾棺寘諸堂阜**

堂阜 齊魯竟上地飾棺不殯示無所歸○寘之致殯必 **龍** 堂阜至所歸○正義曰喪大記云飾棺君


力反 **龍** 帷黼荒火三列黻三列素錦褚加帷荒纁

玄紐二鄭玄云飾棺者以華道路及壙中不欲使眾惡其親也荒蒙也在旁曰帷在上曰荒皆所以衣柳也士布帷布荒君大夫加文章焉黼荒緣邊為黼文

畫荒緣邊為雲氣火蔽為列於其中耳褚以襯覆棺
 乃加帷荒於其上紐所以連結帷荒者也禮之飾棺
 惟有此耳齊人教之飾棺蓋依此大夫之制而為之
 飾置諸堂阜故為不殯示無所歸冀魯人哀之也沈
 氏云飾棺即雜記云諸侯死於道其輜有綌緇布裳
 帷素錦以為屋而行大夫死於道以布為輜而行義
 或當魯必取之從之卜人以告卜人魯卜邑大夫

然○卜皮為人孔子父為鄆邑大夫謂之鄆人知此
 彥反為人孔子父為鄆邑大夫謂之鄆人知此
 卜人是卜邑大夫其邑近惠叔猶毀以為請敖卒

則惠叔請之至今期年而猶未已毀過喪禮其反期居
 則惠叔請之至今期年而猶未已毀過喪禮其反期居
 以為請知敖卒即請至今未已也傳言猶毀是不
 復應毀故知毀過喪禮也劉炫云敖去年九月卒至
 今年夏據月未匝不得稱期年今知非者杜以傳云



惠叔猶毀據日月之久欲盛言其遠故云期年但首
 尾二年亦得為期年之義劉以未周十二月而規杜
 氏非也立於朝以待命許之取而殯之殯於孟氏之

寢終叔服之言齊人送之書曰齊人歸公孫敖之喪
 為孟氏且國故也為惠叔毀請且國之公族故聽

其歸殯而書之為于葬視共仲制如慶父皆以
 罪降音恭聲已不視帷堂而哭聲已惠叔母怨敖

從莒女故帷堂音紀毀飾故帷堂小斂而徹帷至
 大斂之節又帷堂以至於殯恒帷堂雜記云朝夕哭
 則不帷今聲已恨穆伯故朝夕哭仍帷堂檀弓又云

帷殯非古自敬姜之哭穆伯始也與此相類也敬姜
 者穆伯妻文伯歎之母也穆伯季悼子之子公甫靖
 承火流
 卷之九下三十
 及古閣

與教非一人 **襄仲欲勿哭** **怨** 敖取其妻惠伯曰喪親之

終也 **惠** 伯叔彭生雖不能始善終可也史佚有言

曰兄弟致美 **各** 盡其美義乃繼 音逸 救乏賀善弔

災祭敬喪哀情雖不同毋絕其愛親之道也子無失


道何怨於人襄仲說帥兄弟以哭之他年其二子來

敖 在莒所生 音悅 **祭** 敬至道也 正義曰祭敬

敬也喪哀者謂兄弟死喪之事竭其哀也情雖不同謂內相怨恨情雖不能和同當無絕其愛是相親之

道也 **孟獻子愛之聞於國** **獻** 子穀之子仲叔蔑 音問

或如字下同 或譖之曰將殺子獻子以告季文子二



子曰夫子以愛我聞我以將殺子聞不亦遠於禮乎
遠禮不如死一人門于句躄一人門于戾丘皆死 **句**

句躄戾丘魯邑有寇攻門二子禦之而死 遠于萬

七侯反躄又作龜 **句** 躄至而死 正義曰句躄

莫幸反戾力計反 **戾** 丘有寇攻門不書者服虔云

魯國中小寇非異 國侵伐故不書也 **六月辛丑朔日有食之** 鼓用牲

于社非禮也 **得** 常鼓之月而於社用牲為非禮 **得**

得常至非禮 正義曰此與莊二十五年經文正

同彼傳云非常此傳云非禮者彼失常鼓之月言鼓

之為非常此得常鼓之月而用牲為非禮彼云六月實是七月傳因日月之變以起時歷之誤故釋例曰文十五年與莊二十五年經文皆同而更復發傳曰非禮者明前傳欲以審正陽之月後傳發例欲以明

諸侯之禮而用牲為非禮也此乃聖賢之微旨而先儒所未喻也是解二傳不同之意 **日有食**
○天子不舉 **去盛饌** 去起呂反 ○ **去盛饌** 正義曰周禮

膳夫掌王之食飲膳羞以養王及后世子王日一舉鼎十有二物皆有俎天地有災則不舉鄭玄云殺牲盛饌曰舉今云天子不舉是去盛饌貶膳食也 **伐鼓于社** 責羣陰伐猶擊

也 **疏** 責羣陰伐猶擊也。正義曰郊特牲云社祭也。論語云鳴鼓而攻之伐鼓者是攻責之事故云責羣陰也日食者陰侵陽故責陰以救日孔安國尚書傳云凡日食天子伐鼓于社責上公然則社以上公配食天子伐鼓責羣陰亦以責上公也諸侯用幣于社

請上公亦以請羣陰也互相備也 **諸侯用幣于社** 社尊于諸侯故請救而不敢責之 **疏** 社尊至責之。正義曰昭二十年傳曰封為上公祀為貴

神社稷五祀是尊是奉是社為上公之神尊於諸侯禮用幣者皆是告請神明之事以社尊故用幣請救而不敢攻責也陰侵陽而 **伐鼓于朝** 退自責以昭請陰者請止而勿侵陽也

事神訓民事君 天子不舉諸侯用幣所以事神尊卑異制所以訓民 **疏** 天子至訓民。正義曰天子不舉自貶食耳而以為事神者畏敬神明乃自貶損徹膳不舉亦是事神之義故通以不舉為事神也 **示有等威古之道也** 等威威儀之等差。差初佳反。初宜反。○齊人許單

伯請而赦之使來致命 以單伯執節不移且畏晉故許之書曰單伯至自齊貴之也 **疏** 單伯為魯拘執既免而不廢禮終來致命故既而告廟。為子偽反。下似為同拘

春秋 卷九 三十二

春秋 卷九 三十二

春秋 卷九 三十二

春秋 卷九 三十二

俱音俱○新城之盟國在前年蔡人不與國不會盟音預

同下晉卻缺以上軍下軍伐蔡國兼帥二軍曰君弱不

可以怠國怠解也○解佳戊申入蔡以城下之盟而

還凡勝國曰滅之國勝國絕其社稷有其土地○還音旋

獲大城焉曰入之國得大都而不有國凡勝至入之

傳已發凡例襄十三年復發傳云用大師曰滅弗地

曰入再發例者兵之所加不可細舉故舉舊策之典

以例而言用大師起大衆重力以陷敵因而有之故

曰勝國通以滅為文也以成師重力雖獲大城得而

弗有故直以出入為辭曰入之而已城不包○秋齊

地國不通邑滅邑必主大師是故再發例也○秋齊

人侵我西鄙故季文子告于晉○冬十一月晉侯宋

公衛侯蔡侯鄭伯許男曹伯盟于扈尋新城之盟且

謀伐齊也國齊執王使且數伐魯○使所吏反下齊

人賂晉侯故不克而還於是有齊難是以公不會國

明今不序諸侯不以公不會故○難乃且書曰諸侯


盟于扈無能為故也國惡受其賂不能討齊○惡烏

凡諸侯會公不與不書諱君惡也國謂國無難不會

義事故為惡不書謂不國別序諸侯與而不書後也

國謂後期也今貶諸侯以為公諱故傳發例以明之

○為于偽反國凡諸至後也○正義曰七年公會諸侯晉



發例云凡會諸侯不書所會後也後至不書其國辟不敏也彼乃義事而君後期諱君之惡故總稱諸侯此亦總稱諸侯不會非公之罪而經文相似傳辯諸嫌故更復發例而以善形惡凡諸侯為義事聚會而公不與則不歷書諸國諱君惡也若公實與會而不書諸國為公後期也即七年扈之盟是也今於此會受賂舍罪致使魯有齊患公雖不與非公之罪經與後期文同似為公諱故傳發例以明之此魯公雖不與非

○齊人來歸子叔姬王故也

單伯雖見執

能守節不移終達王命使叔姬得歸○齊侯侵我西

鄙謂諸侯不能也

不能討已遂伐曹入其郛討其

來朝也

此年夏朝季文子曰齊侯其不免乎已則

無禮

執王使而伐無罪已音紀而使所吏反而討於有禮者



曰女何故行禮禮以順天天之道也已則反天而又以討人難以免矣詩曰胡不相畏不畏于天詩小

雅亮反又如字原齊侯之意而為之辭也責曹

曰女何故行禮謂責於朝魯也天道以卑承尊人道

以小事大禮者自卑而尊人朝者謙順以行禮行禮

以順天是天道也詩曰至于天正義曰此詩小雅雨無正之篇胡何也詩人責朝廷之臣女羣臣

上下何以不相畏乎女上下不相畏乃是不畏于天也君子之不虐幼賤畏于

天也在周頌曰畏天之威于時保之詩周頌言畏

天威于是保福祿不畏于天將何能保以亂取國奉禮以守猶懼不終多行無禮弗能在矣為十八年

齊弑商人傳 ○守手
又反

春秋左傳註疏卷第十九下終

春秋左傳註疏卷第二十 文十六年
盡十八年

晉杜氏註

唐孔穎達疏

經十有六年春季孫行父會齊侯于陽穀齊侯弗及盟

註 及與也

夏五月公四不視朔 **註** 諸侯每月必告朔聽政因朝於

廟今公以疾闕不得視二月三月四月五月朔也春

秋十二公以疾不視朔非一也義無所取故特舉此

以表行事因明公之實有疾非詐齊 **疏** 諸侯至詐